

四庫全書

子部

欽定四庫全書

本草綱目卷二十四目錄

穀之三

菽豆類十四種

大豆

本經

大豆黃卷

本經

黃大豆

食鑑

赤小豆

本經

腐婢

本經

綠豆 開寶

白豆 嘉祐

穉豆 拾遺

豌豆 拾遺

蠶豆 食物

豇豆 綱目

藊豆 別錄

刀豆 綱目

黎豆

拾遺

即狸豆

右附方舊五十一新一百

本草綱目卷二十四目錄

欽定四庫全書

本草綱目卷二十四

明 李時珍 撰

穀之三 菽豆類一十四種

大豆 本經中品

校正 禹錫曰原附大豆黃卷下今分出

釋名 𣎵

俗作菽時珍曰豆𣎵皆莢穀之總稱也篆文𣎵象莢生附莖下垂之形豆象子在莢中之

形廣雅云大豆菽也小豆荅也

角曰莢葉曰藿莖曰莢

集解

別錄曰大豆生太山平澤九月采之頌曰今處處種之黑白二種入藥用黑者紫小者為雄用之尤

佳宗奭曰大豆有綠褐黑三種有大小兩類大者出江浙湖南湖北小者生他處入藥力更佳又可礮為腐食時珍曰大豆有黑白黃褐青斑數色黑者名烏豆可入藥及充食作豉黃者可作腐榨油造醬餘但可作腐及炒食而已皆以夏至前後下種苗高三四尺葉圓有尖秋開小白花成叢結莢長寸餘經霜乃枯按呂氏春秋云得時之豆長莖短足其莢二七為族多枝數節大菽則圓小菽則團先時者必長蔓浮葉疎節小莢不實後時者必短莖疏節本虛不實又汜勝之種植書云夏至種豆不用深耕豆花憎見日則黃爛而根焦矣知歲所宜以囊盛豆子平量埋陰地冬至後十五日發取量之最多者種焉蓋大豆保歲易得可以備凶年小豆不保歲而難得也

黑大豆氣味甘平無毒久服令人身重

岐伯曰生溫熟寒藏器曰

大豆生平炒食極熱煮食甚寒作豉極冷造醬及生黃卷則平牛食之溫馬食之冷一體之中用之數變

之才曰惡五參龍膽得前胡烏喙杏仁牡蠣諸膽汁良詵曰大豆黃屑忌猪肉小兒以炒豆猪肉同食必壅氣致死十有八九十歲以上不畏也時珍曰服草麻子者忌炒豆犯之脹滿致死服厚朴者亦忌之也動氣也

主治生研塗癰腫煮汁飲殺鬼毒止痛

本經

逐水脹除

胃中熱痺傷中淋露下瘀血散五臟結積內寒殺烏

頭毒炒為屑主胃中熱除痺去腫止腹脹消穀

別錄

食治溫毒水腫

唐本

調中下氣通關脉制金石藥毒牛

馬溫毒

日華

煮汁解礬石砒石甘遂天雄附子射菴巴

豆芫青斑蝥百藥之毒及蠱毒入藥治下痢臍痛衝

酒治風痙及陰毒腹痛牛膽貯之止消渴

時珍

炒黑熱

投酒中飲之治風痺癰緩口噤產後頭風食罷生吞

半兩去心胸煩熱熱風恍惚明目鎮心溫補久服好

顏色變白不老煮食性寒下熱氣腫壓丹石煩熱消

腫

藏器

主中風脚弱產後諸疾同甘草煮湯飲去一切

熱毒氣治風毒脚氣煮食治心痛筋攣膝痛脹滿同

桑柴灰煮食下水鼓腹脹和飯搗塗一切毒腫療男

女人陰腫以綿裹納之

孟詵

治腎病利水下氣制諸風

熱活血解諸毒

時珍

發明

頌曰仙方修治未服之可以辟穀度饑然多食令人體重久則如故也甄權曰每食後磨拭吞

三十粒令人長生初服時似身重一年以後便覺身輕又益陽道也頌曰陶華以黑豆入鹽煮常時食之

云能補腎蓋豆乃腎之穀其形類腎而又黑色通腎引之以鹽所以妙也時珍曰按養老書云李守愚每

晨水吞黑豆二十七枚謂之五臟穀到老不衰夫豆有五色各治五臟惟黑豆屬水性寒為腎之穀入腎功

多故能治水消脹下氣制風熱而活血解毒所謂同氣相求也又按古方稱大豆解百藥毒予每試之大

不然又加甘草其驗乃奇如此之事不可不知

附方

新舊三十二
三十四

服食大豆

令人長肌膚益顏色填骨髓加氣力補虛能食不過

兩劑大豆五升如作醬法取黃搗末以猪肪煉膏和丸梧子大每服五十九至百丸溫酒下神驗秘方也

肥人不可服之延年秘錄

救荒濟饑

博物志云左慈荒年法用大豆粒細調勻者生熟按令光

暖徹豆內先日不食以冷水頓服訖一切魚肉菓菜不得復經口渴即飲冷水初小困十數日後體力壯

健不復思食也

黃山谷救荒法黑豆貫衆各一升煮熟去衆晒乾每日空心啖五七粒食百木枝葉皆

有味可飽也

王氏農書云辟穀之方見於石刻水旱蟲荒國家代有甚則懷金立醵易子炊骸為民父

母者不可不知此法也昔晉惠帝永寧二年黃門侍郎劉景先奏臣遇太白山隱氏傳濟饑辟穀仙方

臣家大小七十餘口更不食別物若不如斯臣一家
甘受刑戮其方用大豆五斗淘淨蒸三遍去皮用大
麻子三斗浸一宿亦蒸三遍令口開取仁各搗為末
和搗作團如拳大入甑內蒸從戌至子時止寅時出
甑午時晒乾為末乾服之以飽為度不得食一切物
第一頓得七日不饑第二頓得四十九日不饑第三
頓三百日不饑第四頓得二千四百日不饑更不必
服永不饑也不問老少但依法服食令人強壯容貌
紅白永不憔悴口渴即研大麻子湯飲之轉更滋潤
臟腑若要重喫物用葵子三合研末煎湯冷服取下
藥如金色任喫諸物並無所損前知隨州朱頌教民
用之有驗序其首尾勒石於漢陽大別山太平興國
寺又方用黑豆五斗淘淨蒸三遍晒乾去皮為末
秋麻子三升浸去皮晒研糯米三斗做粥和搗為劑
如拳大入甑中蒸一宿取晒為末用紅小棗五斗煮
去皮核和為劑如拳大再蒸一夜服之至飽為度如

渴飲麻子水便滋潤臟腑也脂炒豆紫湯頌曰古方有紫湯破

血去風除氣防熱產後兩日尤宜服之用烏豆五升清酒一斗炒令烟絕投酒中待酒紫赤色去豆量性

服之可日夜三盞神驗中風口豆淋酒法宗奭曰治產後百病

或血熱覺有餘血水氣或中風困篤或背強口噤或但煩熱瘕瘕口渴或身頭皆腫或身痒嘔逆直視或

手足頑痺頭旋眼眩此皆虛熱中風也用大豆三升熬熟至微烟出入瓶中以酒五升沃之經一日以上

服酒一升溫覆令少汗出身潤即愈口噤者加獨活半斤微微煆破同沃之產後宜常服以防風氣又消

結中風口喎即上方日服頭風頭痛即上方密封七

破傷中風口噤千金方用大豆一升熬去腥氣勿使太熟杵末蒸令氣遍取下甌以酒一升淋

之溫服一升取汗傳膏瘡上即愈 經驗方用黑頭
豆四十枚硃砂二十文同研末以酒半盞調服之 頸

項強硬

不得顧視大豆一升蒸

變色囊裏枕之 千金

暴得風疾

四肢攣縮不能行取

大豆三升淘淨濕蒸以醋二升傾入瓶中鋪於地上
設席豆上令病人臥之仍重蓋五六層衣豆冷漸漸
却衣仍令一人於被內引挽學急處更蒸豆再作風
併飲荆瀝湯如此三日三夜即休 崔氏纂要

入臟中

治新久腫風入臟中以大豆一斗水五斗煮
取一斗二升去滓入美酒斗半煎取九升旦

服取汗神驗

風毒攻心

煩躁恍惚大豆半升淘淨以
水二升煮取七合食後服之

千金翼

心卒風不語

大豆煮汁煎稠如飴含
之并飲汁 肘后方

喉痺不語上

法卒然失音

說曰用生大豆一升青竹筍子四十
九枚長四寸濶一分水煮熟日夜二

千金

服熱毒攻眼

赤痛臉浮用黑豆一升分作十袋沸湯中蒸過更互熨之三過則愈 普濟方

卒然中惡

大豆二七枚雞子黃一箇酒半升和勻頓服 千金陰毒傷寒危篤者用

黑豆炒乾投酒熱飲或灌之吐則復飲汗出為度 居家必用 腸痛如打 大豆半升熬焦入酒

一升煮沸飲 肘后 腸卒痛 大豆炒二升酒三升 卒然腰取醉 肘后 煮二升頓服 肘后

痛

大豆六升水拌濕炒熱布裹熨之冷即 易乃張文仲所處方也 延年秘錄 脚氣衝心

煩悶不識人以大豆一升水三升 濃煮汁服未定再服 廣利方 身面浮腫 千金用烏豆一升水

五升煮汁三升入酒五升更煮三升分溫三服不瘥再合 王璆百一選方用烏豆煮至皮乾為末每服二錢

米飲下建炎初吳內翰女孫忽發 腫凸吳檢外臺得此方服之立效 新久水腫 大豆一斗清水

一斗煮取八升去豆入薄酒八升再煎取八腹中痞

升服之再三服水當從小便中出 范汪方

硬夏秋之交露坐夜久腹中痞如羣石在腹用大豆

半升生薑八分水三升煎一升已來頓服瘥 經

驗方霍亂脹痛大豆生研水服水痢不止 大豆一升炒

末每服三錢米赤痢臍痛 黑豆菜菔子二件搗赤白

飲下指南方 赤痢臍痛 摩吞嚥之良 經驗

下痢方見男子便血 黑豆一升炒焦研末熱酒淋之

一切下血 雄黑豆緊小者以皂角湯微浸炒熟去皮

米飲下 華小兒沙淋 黑豆一百二十箇生甘草一

化中藏經 寸新水煮熟入滑石末乘熱

飲之良 腎虛消渴 難治者黑大豆炒天花粉等分

全幼心鑑 為末糊丸梧子大每黑豆湯下

七十九日二名救活丸 普濟妙方 消渴飲水 烏豆置牛膽中陰乾百
日吞盡即瘥 肘後方

晝夜不眠 以新布火炙熨目并蒸大豆更番囊盛枕
之冷即易終夜常枕之即愈 肘后方

疫癘發腫 大黑豆二合炒熟炙甘草一錢水一盞煎
汁時時飲之夷堅志云靖康二年春京師

大疫有異人書此方於壁間用之立驗也 乳石發熱 烏豆二升水九升銅
器煮五升汁熬稠一

升飲之 外臺秘要 解礬砒毒 大豆煮汁飲 酒食諸毒 大豆一
升煮汁

服得吐即愈 廣記 解諸魚毒 大豆煮汁飲 解巴豆毒 下利不
止大豆

煮汁一升飲 肘后方 惡刺瘡痛 大豆煮汁漬之 湯火灼瘡 大
豆

煮汁飲之易愈 無斑 毒秘錄 打頭青腫 豆黃耆傳之 折傷墮墜 血
千金方

在腹氣短大豆五升水一斗煮汁二
升頓服劇者不過三作千金方
痘瘡煩躁大豆

飲之佳
子母秘錄
痘瘡濕爛
黑大豆研
小兒頭瘡
黑豆炒存
性研水調

傳之
普濟方
身面疣目
七月七日以大豆拭疣上三過使
本人種豆於南向屋東頭第二溜

中豆生葉以熱湯沃
殺即愈
外臺秘要
染髮令烏
煎稠染之
千金牙

齒不生
不拘大人小兒年多者用黑豆三十粒牛糞
火內燒令烟盡研入麝香少許先以針挑破

血出以少許搗之不得見
風忌酸醎物
經驗方
牙齒疼痛
黑豆煮酒頻頻
漱之良
周密

浩然
月經不斷
服用前紫湯
妊娠腰痛
升煮七合空心

飲之
心鏡
子死腹中
升以醋煮濃汁頓服立出產乳
月數未足母欲悶絕者用大豆三

胞衣不下

大豆半升 醇酒三升 煮一升半 分三服 產書

辟穰時氣

以大豆

一斗 納井中 一宿 取出 每服七粒 佳 領要

菜中蛇蠱

蛇毒入菜果中 食之 令人得病 名蛇

蠱大豆為末 酒漬絞汁 服半升

身如蟲行

大豆水漬絞漿 旦旦洗之 或加少麴沫 髮亦良 干

金小兒丹毒

濃煮大豆汁 塗之 甚良 千金

風疽瘡疥

凡脚脇及胸 臑中 痒搔則

黃汁出者是也 以青竹筒三尺 着大豆一升 在內 以馬屎糠火燒熏 以器兩頭 取汁 搽之 先以泔清和鹽洗之 不過三度 極効 千金

肝虛目暗

迎風下淚 用臘月牯牛膽 盛黑豆懸風處 取出 每夜

吞三七粒 久 自明 龍木論

小兒胎熱

黑豆二錢 甘草一錢 入燈心 七寸 淡竹葉一片 水煎

心鑑 全幼

天蛇頭指

痛臭甚者 黑豆生研末 入蠶內籠之

濟急方

大豆皮主治生用療痘瘡目腎嚙爛傳小兒尿灰瘡

時珍

豆葉主治搗傳蛇咬頻易取瘥

時珍出廣利方

發明

時珍曰按抱朴子內篇云相國張文蔚莊內有鼠狼穴養四子為蛇所吞鼠狼雖雄情切乃於

穴外坩土壅穴俟蛇出頭度其回轉不便當腰咬斷而劈腹嚙出四子尚有氣置於穴外嚙豆葉嚼而傳之皆活後人以豆葉治蛇咬蓋本於此

附方新止渴急方

大豆苗嫩者三五十莖塗酥炙黃為末每服二錢人參湯下聖濟

總錄小便血淋

大豆葉一把水四升煮二升頓服聖惠方

花主治主目盲翳膜時珍

大豆黃卷

本經中品

釋名豆蘖

弘景曰黑大豆為蘖芽生五寸長便乾之名為黃卷用之熬過服食所須時珍曰一

法壬癸日以井華水浸大豆候生芽取皮陰乾用

氣味甘平無毒

普曰得前胡杏子牡蠣烏喙天雄鼠屎共蜜和良惡海藻龍膽

主治濕痺筋攣膝痛

本經

五臟不足胃氣結積益氣止

痛去黑疸潤肌膚皮毛

別錄

破婦人惡血

孟詵頌曰古方蓐婦藥中

多用宜腎

思邈

除胃中積熱消水病脹滿

時珍

附方

新四

大豆蘘散

治周痺邪在血脉之中水痺不痛上下周身故名此藥注五臟留滯

胃中結聚益氣出毒潤皮毛補腎氣用大豆蘘一斤炒香為末每服半錢溫酒調下日三服宣明方

頭風濕痺

筋學膝痛胃中積熱大便秘結濕黃卷散用大豆黃卷炒一升酥半兩為末食前溫水

服一匙日二

普濟方水病腫滿

喘急大小便澀大豆黃卷等分為細末葱橘

皮湯服二錢

平明以

小兒撮口

初生豆芽研爛絞汁和乳灌少許良普

濟方

黃大豆

鑑食

集解

時珍曰大豆有黑青黃白斑數色惟黑者入藥而黃白豆炒食作腐造醬筴油盛為時用不可

不知別其性味也周憲王曰黃豆苗高一二尺葉似
黑大豆葉而大結角比黑豆角稍肥大其莢葉嫩時

可食
甘美

氣味甘溫無毒

時珍曰生溫炒熱微毒多食壅氣
生痰動嗽令人身重發面黃瘡疥

主治寬中下氣利大腸消水脹腫毒

原

研末熟水和

塗痘後癰

時珍

附方

新

痘後生瘡

黃豆燒黑研
末香油調塗

豆油氣味辛甘熱微毒主治塗瘡疥解髮腫

時珍

稽主治燒灰入點痣去惡肉藥

時珍

赤小豆

本經中品

校正

自大豆分出

釋名赤豆

恭

紅豆

俗

荅

廣雅

葉名藿

時珍曰

案詩云黍稷稻粱禾麻菽麥

此即八穀也董仲舒註云菽是大豆有兩種小豆名荅有三四種王禎云今之赤豆白豆綠豆蠶豆皆小

豆也此則入藥用赤小者也

集解

頌曰赤小豆今江淮間多種之宗奭曰關西河北汴洛多食之時珍曰此豆以緊小而赤黯色

者入藥其稍大而鮮紅淡紅色者並不治病俱于夏至後下種苗科高尺許枝葉似豇豆葉微圓峭而小至秋開花似豇豆花而小淡銀褐色有腐氣結莢長二三寸比綠豆莢稍大皮色微白帶紅三青二黃時即收之可煮可炒可作粥飯餛飩餠並良也

氣味甘酸平無毒

思邈曰甘鹹冷合魚鮓食成消渴作醬同飯食成口瘡藏器曰鹽食

足輕人
食身重

主治下水腫排癰腫膿血

本經

療寒熱熱中消渴止洩

痢利小便下腹脹滿吐逆卒澀

別錄

治熱毒散惡血除

煩滿通氣健脾胃令人美食擣末同雞子白塗一切

熱毒癰腫煮汁洗小兒黃爛瘡不過三度

權

縮氣行

風堅筋骨抽肌肉久食瘦人

士良

散氣去關節煩熱令

人心孔開暴痢後氣滿不能食者煮食一頓即愈和

鯉魚煮食甚治脚氣託解小麥熱毒煮汁解酒病解

衣粘綴日華辟瘟疫治產難下胞衣通乳汁和鯉魚鱗

魚鯽魚黃雌雞煮食並能利水消腫時珍

發明

弘景曰小豆逐津液利小便久服令人肌膚枯燥頌曰水氣脚氣最為急用有人患脚氣以袋

盛此豆朝夕踐踏展轉之久久遂愈好古曰治水者惟知治水而不知補胃則失之壅滯赤小豆消水通

氣而健脾胃乃其藥也藏器曰赤小豆和桑根白皮煮食去濕氣痺腫和通草煮食則下氣无限名脫氣

丸時珍曰赤小豆小而色赤心之穀也其性下行通乎小腸能入陰分治有形之病故行津液利小便消

脹除腫止吐而治下痢腸癖解酒病除寒熱瘰癧排膿散血而通乳汁下胞衣產難皆病之有形者久服

則降令大過津血滲洩所以令人肌瘦身重也其吹
鼻瓜蒂散及辟瘟疫用之亦取其通氣除濕散熱耳
或言其工氏有不才子以冬至死為疫鬼而畏赤豆
故于是日作小豆粥厭之亦傳會之妄說也又案陳
自明婦人良方云予婦食素產后七日乳脉不行服
藥无効偶得赤小豆一升煮粥食之當夜遂行因閱
本草載此謾記之又朱氏集驗方云宋仁宗在東宮
時患疔腮命道士贊寧治之取小豆七七粒為末傳
之而愈中貴人任承亮后患惡瘡近死尚書郎傳永
授以藥立愈叩其方亦小豆也予苦脇疽既至五臟
醫以藥治之甚驗承亮曰得非赤小豆耶醫謝曰某
用此活三十口愿勿復言有僧發背如爛瓜鄰家乳
婢用此治之如神此藥治一切瘰癧瘡疥及赤腫不
拘善惡但水調塗之无不愈者但其性粘乾則難揭
入苧根末即不粘此法尤佳

附方

新舊十八

水氣腫脹

頌曰用赤小豆五合大蒜一

碎破同水煮爛去藥空心食豆旋旋吸汁令盡腫立消也

韋宙獨行方治水腫從脚起入腹則殺人赤

小豆一斗煮極爛取汁五升溫漬足膝若已入腹但食小豆勿藥食亦愈

梅師治水腫以東行花桑枝

燒灰一升淋汁煮赤

水蠱腹大

動搖有聲皮膚黑者

根一握水煮食豆

辟穰瘟疫

五行書云正月朔旦及

以消為度

肘后

枚麻子七枚投井中辟瘟疫甚効

又正月七日新

布囊盛赤小豆置井中三日取出男吞七粒女吞二

七枚竟年

辟厭疾病

正月元旦面東以蠶水吞赤小

无病也

傷寒狐惑

張仲景曰狐

熱微煩默默但欲卧汗出初得三四日赤如鳩七八日目四眦黃黑若能食者膿已成也赤豆當歸散主之赤小豆三升水浸令芽出當歸三兩為末漿水服方寸七日三服金匱要畧下部卒痛

如鳥喙之狀用小豆大豆各一升蒸水穀痢疾小豆熟作二囊更互坐之即止肘后方水穀痢疾一合

鎔蠟三兩頓服熱毒下血或因食熱物發動赤小豆取效必效方熱毒下血或水服方寸匕梅師方

腸痔下血

小豆三升苦酒五升煮熟日乾再浸至酒盡乃止為末酒服一錢日三服肘后方

舌上出血

如簪孔小豆一升杵碎水三升和絞汁服肘后方熱淋血淋不拘男女

用赤小豆三合慢炒為末煨葱一重舌驚口赤小豆莖搗酒熱調二錢服修真秘旨末醋和

塗之普濟方小兒不語四五歲不語者赤小豆牙齦疼痛末酒和傳舌下千金

紅豆末擦牙吐涎及吹鼻中一方入銅中酒嘔逆赤

青少許一方入花驗少許家寶方
豆煮汁徐飲之頻致墮胎赤小豆末酒服方寸妊娠

行經上方同婦人難產產實用赤小豆生吞七枚佳

豆一升以水九升煮取汁入炙過黃明膠一二胞衣

兩同煎少時一服五合不過三四服即產下
不下用赤小豆男七枚女二七枚產後目閉心悶赤

研東流水服方寸匕產後悶滿不能食用小豆二七

不瘥更服肘后方
千金乳汁不通赤小豆煮汁婦人吹奶赤小豆酒研

方
之熊氏婦人乳腫小豆莽草等分為末癰疽初作赤小

水和塗之毒即消散石癰諸癰赤小豆五合納苦酒頻用有効小品方

和塗即消加枯棗痘後癰毒赤小豆末雞子根等分范汪方白調塗傳之顯頰熱

腫赤小豆末和蜜塗之一夜丹毒如火赤小豆末和即消或加芙蓉葉末尤妙雞子白時時

塗之不已逐手風瘙癢癰赤小豆荊芥穗等分即消小品方為末雞子清調塗之金瘡

煩滿赤小豆一升苦酒浸一日熬燥再浸滿三日六令黑色為末每服方寸匕日三服千金

畜肉毒小豆一升燒研水服三方寸匕神効千金方

葉主治去煩熱止小便數別錄煮食明目日華

發明時珍曰小豆利小便而管止小便與麻黃發汗而根止汗同意物理之異如此

附方

舊一新

小便頻數

小豆葉一斤入豉汁中煮和作羹食之心鏡

小兒遺

尿

小豆葉搗汁服之千金

茅主治妊娠數月經水時來名曰漏胎或因房室名

曰傷胎用此為末溫酒服方寸七日三得効乃止

時珍

出普濟

腐婢

本經下品

集解

別錄曰腐婢生漢中小豆花也七月采之陰乾四十日弘景曰花與實異用故不同品方家不

用未解何故有腐婢之名本經不言是小豆花別錄乃云未審是否今海邊有小樹狀如卮子莖葉多曲

氣似腐臭土人呼為腐婢療瘡有効以酒浸皮服瘵
心腹疾此當是真此條應入木部也恭曰腐婢相承
以為葛花葛花消酒大勝而小豆全無此交當以葛
花為真禹錫曰按別本云小豆花亦有腐氣與葛花
同服飲酒不醉與本經治酒病相合陶蘇二說並非
甄權曰腐婢即赤小豆花也頌曰海邊小樹葛花赤
小豆花三物皆有腐婢之名名同物異也宗爽曰腐
婢既在穀部豆花為是不必多辯時珍曰葛花已見
本條小豆能利小便治熱中下氣止渴與腐婢主療
相同其為豆花無疑但小豆有數種甄氏藥性論獨
指為赤小豆
今姑從之

氣味辛平無毒主治痰瘡寒熱邪氣洩痢陰不起止

消渴病酒頭痛

本經 心鏡云上證用
同豉汁五味煮羹食之

消酒毒明

目下水氣治小兒丹毒熱核散氣滿不能食煮一頓

食之

藥性

治熱中積熱痔瘻下血

時珍

宣明葛花丸中用之

附方

新

飲酒不醉

小豆花葉陰乾百日為末水服方寸匕或加葛花等分

千金

瘡惡腫

小豆花末傳之普濟方

綠豆

宋開寶

釋名

時珍曰綠以色名也舊本作藁者非矣

集解

志曰綠豆圓小者佳粉作餌炙食之良大者名植豆苗子相似亦能下氣治霍亂也瑞曰有官

綠油綠主療則一時珍曰綠豆處處種之三四月下種苗高尺許葉小而有毛至秋開小花莢如赤豆莢

粒粗而色鮮者為官綠皮薄而粉多粒小而色深者為油綠皮厚而粉少早種者呼為摘綠可頓摘也遲種呼為拔綠一拔而已北人用之甚廣可作豆粥豆飯豆酒燭食炒食磨而為麪澄濾取粉可以作餅頓餅盪皮搓索為食中要物以水浸濕生白芽又為菜中佳品牛馬之食亦多賴之真濟世之良穀也

氣味甘寒無毒

藏器曰用之宜連皮去皮則令人少壅氣益皮寒而肉平也反樵子穀

害人合鯉魚鮓食久則令人肝黃成渴病

主治煮食消腫下氣壓熱解毒

生研絞汁服治丹毒煩熱風癰藥石發動熱氣奔豚

開寶治寒熱熱中止泄痢卒澀利小便脹滿思厚腸胃

作枕明目治頭風頭痛除吐逆日華補益元氣和調五

臟安精神行十二經脉去浮風潤皮膚宜常食之煮

汁止消渴

孟詵

解一切藥草牛馬金石諸毒

原

治痘毒

利腫脹

時珍

發明

時珍曰綠豆肉平皮寒解金石砒霜草木一切諸毒宜連皮生研水服按夷堅志云有人服附

子酒多頭腫如斗唇裂血流急求綠豆黑豆各數合嚼食并煎湯飲之乃解也

附方新扁鵲三豆飲

治天行豆瘡預服此飲疎解熱毒縱出亦少用綠豆赤小豆黑

大豆各一升甘草節二兩以水八升煮極熟任意食豆飲汁七日乃止一方加黃大豆白大豆名五豆

飲痘後癰毒

初起以三豆膏治之神効綠豆赤小豆黑大豆等分為末醋調時時掃塗即消

醫學 防痘入眼 用綠豆七粒令兒自投井中頻視七遍乃還 小兒丹腫

綠豆五錢大黃二錢為末用生薄荷汁入蜜調塗 全幼心鑑 赤痢不止 以大麻子水研濾汁

煮綠豆食之極効 粥 老人淋痛 青豆二升橘皮二兩煮豆粥下麻子汁一

食亦可 必効方 升空心漸食之併飲 消渴飲水 綠豆煮汁並作心氣其汁甚驗 養老書 粥食 晉濟方

疼痛 綠豆廿一粒胡椒十四粒同研白湯調服即止 多食易饑 綠豆黃麥糯

熟磨粉每以白湯服 十種水氣 用綠豆二合半大附子一隻去皮臍切作

一盃三五日見效 兩片水三碗煮熟空心卧時食豆次日將附子兩片作四片再以綠豆二合半如前煮食第三日別以綠

豆附子如前煮食第四日如第二日法煮食水從小便下腫自消未消再服忌生冷毒物鹽酒六十日無

不效者 朱氏集驗方

綠豆粉氣味甘涼平無毒

原曰其膠粘者脾胃虛人不可多食 瑞曰勿近杏

仁則爛不能作索

主治解諸熱益氣解酒食諸毒治發背癰

疽瘡腫及湯火傷灼

吳瑞

痘瘡濕爛不結痂死者乾撲

之良

翼原

新水調服治霍亂轉筋解諸藥毒死心頭尚

溫者

時珍

解菰菌砒毒

汪頴

發明

時珍

曰綠豆色綠小豆之屬木者也通於厥陰陽明其性稍平消腫治痘之功雖同赤豆而壓

熱解毒之力過之且益氣厚腸胃通經脉無久服枯人之忌但以作涼粉造豆酒或偏於冷或偏於熱能

致人病皆人所為非豆之咎也豆粉須以綠色粘膩者為真外科治癰疽有內托護心散極言其神效丹溪朱氏有論發揮震亨曰外科精要謂內托散一日至三日進十數服可免毒氣內攻臟腑切詳綠豆解毒丹毒治石毒味甘入陽明性寒能補為君以乳香去惡腫入少陰性溫善竄為佐甘草性緩解五金八石百藥毒為使想此方專為服丹石發疽者設也若夫年老者病深者證備者體虛者綠豆雖補將有不勝其任之患五香連翹湯亦非必用之劑必當助氣壯胃使根本堅固而行經活血為佐參以經絡時令便毒氣外發此則內托之本意治施之早可以內消也

附方

新十護心散

又名內托散乳香萬全散凡有疽疾一日至三日之內宜連進十餘

服方免變證使毒氣出外服之稍遲毒氣內攻漸生嘔吐或鼻生瘡菌不食即危矣四五日後亦宜間服

之用真綠豆粉一兩乳香半兩燈心同研和勻以生甘草濃煎湯調下一錢時時呷之若毒氣沖心有嘔

逆之證大宜服此蓋綠豆壓熱下氣消腫解毒乳香消諸癰腫毒服至一兩則香徹瘡孔中真聖藥也

李嗣立瘡氣嘔吐綠豆粉三錢乾胭脂半錢研勻外科方瘡氣嘔吐新汲水調下一服立止普濟霍

亂吐利綠豆粉白糖各二兩新汲水調服即愈解燒酒毒綠豆粉

食之即解解鳩酒毒綠豆粉三錢解砒石毒綠豆粉寒水石等分以藍根汁

調服三五錢解諸藥毒已死但心頭溫者用綠豆粉調水服衛生易簡方打

撲損傷用綠豆粉新鈹炒紫新汲井水調傳以杉木皮縛定其効如神此汀人陳氏夢傳之方

瘡察杖瘡疼痛綠豆粉炒研以雞子白外腎生瘡綠豆

粉蚯蚓糞等
分研塗之

暑月癰瘡

綠豆粉二兩滑石一兩和勻
撲之一加蛤粉二兩簡易

方一切腫毒

初起用綠豆粉炒黃黑色豬牙皂莢一
兩為末用米醋調敷之皮破者油調之

邵真人
經驗方

豆皮氣味甘寒無毒主治解熱毒退目翳

時珍

附方新通神散

治癰疽目生翳綠豆皮白菊花穀精
草等分為末每用一錢以乾柿餅一

枚粟米泔一盞同煮乾食林日三服淺者
五七日見效速者半月見效直指方

豆莢主治赤痢經年不愈蒸熟隨意食之良

時珍
出普濟

豆花主治解酒毒

時珍

豆芽氣味甘平無毒主治解酒毒熱毒利三焦時珍

發明

時珍曰諸豆生芽皆腥羶不堪惟此豆之芽白美獨異今人視為尋常而古人未知者也但受

濕熱鬱滯之氣故頗發瘡動氣與綠豆之性稍有不同

豆葉主治霍亂吐下絞汁和醋少許溫服開寶

白豆

宋嘉祐

釋名飯豆

集解

說曰白豆苗嫩者可作菜食生食亦妙頤曰浙東一種味甚勝用以作醬作腐極佳北方水白

豆相似而不及也原曰白豆即飯豆也粥飯皆可拌食時珍曰飯豆小豆之白者也亦有上黃色者豆大

如綠豆而長四五月種之苗葉似赤小豆而畧大可食莢亦似小豆一種菽豆葉如大豆可作飯作腐亦

其類也

氣味甘平無毒

原曰鹹平

主治補五臟調中助十二經脉

孟詵

煖腸胃

日華

殺鬼氣腎之穀腎病宜食之

思邈

葉主治煮食利五臟下氣

日華

魯豆

拾遺音呂

釋名

時珍曰魯乃自生稻名也此豆原是野生故名今人亦種之于下地矣

集解

藏器曰魯豆生田野小而黑堪作醬爾雅戎菽一名驢豆古名螢豆是也瑞曰魯豆即黑豆中

最細者時珍曰此即黑小豆也小科細粒霜後乃熟
陳氏指為戎菽誤矣爾雅亦無此文戎菽乃胡豆豈

豆乃鹿豆見菜
部並四月熟

氣味甘溫無毒主治去賊風風痺婦人產後冷血炒

令焦黑及熱投酒中漸漸飲之

藏器

豌豆

拾遺

釋名胡豆

拾遺

戎菽

爾雅

回鶻豆

遼志回豆回

回

飲膳正要作回

回

即回鶻國也

回

也

畢豆

唐史月令作

蹕豆

崔寔

青小豆

千金

青斑豆

別錄

麻累

時珍曰

胡豆

豌豆

豆也其苗柔弱宛宛故得豌豆名種出胡戎嫩時青色
老則斑麻故有胡戎青斑麻累諸名陳藏器拾遺雖

有胡豆但云苗似豆生田野間米中往往有之然豌豆蠶豆皆有胡豆之名陳氏所云蓋豌豆也豌豆之粒小故米中有之爾雅戎菽謂之荏菽管子山戎出荏菽布之天下並註云即胡豆也唐史畢豆出自西戎回鶻地面張揖廣雅畢豆豌豆留豆也別錄序例云丸藥如胡豆大者即青斑豆也孫思邈千金方云青小豆一名胡豆一名麻累鄴中記云石虎諱胡改胡豆為國豆此數說皆指豌豆也蓋古昔呼豌豆為胡豆今則蜀人專呼蠶豆為胡豆而豌豆名胡豆人不知矣又鄉人亦呼豌豆大者為淮豆蓋回鶻音相近也

集解

時珍曰豌豆種出西胡今北土甚多八九月下種苗生柔弱如蔓有鬚葉似蒺藜葉兩兩對生

嫩時可食三四月開小花如蛾形淡紫色結莢長寸許子圓如藥丸亦似甘草子出胡地者大如杏仁煮

炒皆佳磨粉麪甚白細膩百穀之中最為先登又有野豌豆粒小不堪惟苗可茹名翹搖見菜部

氣味甘平無毒

思逸曰甘鹹溫平瀋瑞曰多食發氣病

主治消渴淡煮

食之良

藏器

治寒熱熱中除吐逆止泄痢癖下利小便

腹脹滿

思逸

調營衛益中平氣煮食下乳汁可作醬用

瑞煮食殺鬼毒心病解乳石毒發研末塗癰腫痘瘡

作澡豆去黥黯令人面光澤

時珍

發明

時珍

曰豌豆屬土故其所主病多係脾胃元時飲膳每用此豆擣去皮同羊肉治食云補中益

氣今為日用之物而唐宋本草見遺可謂缺典矣千金外臺洗面澡豆方盛用畢豆麪亦取其白膩耳

附方新四聖丹

治小兒痘中有疔或紫黑而大或黑壞而臭或中有黑線此症十死八九

惟牛都御史得秘傳此方點之最妙用豌豆四十九粒燒存性頭髮灰三分真珠十四粒炒研為末以油

燕脂同杵成膏先以簪挑疔破啞去惡血以少許點之即時變紅活色服石毒發胡豆

搗研以水八合絞汁霍亂吐利豌豆三合香菜三兩飲之即愈外臺為末水三盞煎一盞

分二服聖惠

豌豆食物

釋名胡豆

時珍曰豆莢狀如老蠶故名王禎農書謂其蠶時始熟故名亦通吳瑞本草以此為

豌豆誤矣此豆種亦自西胡來雖與豌豆同名同時種而形性迥別太平御覽云張騫使外國得胡豆種

歸指此也今蜀人呼此為胡
豆而豌豆不復名胡豆矣

集解

時珍曰蠶豆南土種之蜀中尤多八月下種冬
生嫩苗可茹方莖中空葉狀如匙頭本圓末尖

面綠背白柔厚一枝三葉二月開花如蛾狀紫白色
又如豇豆花結角連綴如大豆頗似蠶形蜀人收其

子以備
荒歟

氣味甘微辛平無毒主治快胃和臟腑

汪頴

發明

時珍曰蠶豆本草失載萬表積善堂方言一女
子誤吞針入腹諸醫不能治一人教令煮蠶豆

同韭菜食之針自大便同出
此亦可驗其性之利臟腑也

苗氣味苦微甘溫主治酒醉不醒油鹽炒熟煮湯灌

之効類

豇豆

綱目 江
絳二音

釋名

絳雙

音絳雙時珍曰此豆紅色居多莢必雙生故有豇絳雙之名廣雅指為胡豆誤矣

集解

時珍曰豇豆處處三四月種之一種蔓長丈餘一種蔓短其葉俱本大末尖嫩時可茹其花有

紅白二色莢有白紅紫赤斑駁數色長者至二尺嫩時充菜老則收子此豆可菜可果可穀備用最多乃豆中之上品而本草失收何哉

氣味甘鹹平無毒主治理中益氣補腎健胃和五臟
調營衛生精髓止消渴吐逆泄痢小便數解鼠莽毒

時珍

發明

時珍曰豇豆開花結莢必兩兩並垂有習坎之義豆子微曲如人腎形所謂豆為腎穀者宜以

此當之昔廬康夫教人補腎氣每日空心煮豇豆入少鹽食之蓋得此理與諸疾無禁但水腫忌補腎不宜多食耳又袖珍方云中鼠莽毒者以豇豆煮汁飲即解欲試者先刈鼠莽苗以汁潑之使根爛不生此則物理然也

藊豆

音扁 別錄中品

釋名沿籬豆

俗蛾眉豆

時珍曰藊本作扁莢形扁也沿籬蔓延也蛾眉象豆脊脊

白路之形也

集解

弘景曰藟豆人家種之于籬垣其莢蒸食甚美
頌曰蔓延而上大葉細花花有紫白二色莢生

花下其實有黑白二種白者溫而黑者小冷入藥用
白者黑者名鵲豆蓋以其黑間有白道如鵲羽也時
珍曰扁豆二月下種蔓生延纏葉大如盃圓而有尖
其花狀如小蛾有翅尾形其莢凡十餘樣或長或圓
或如龍爪虎爪或如猪耳刀鐮種種不同皆累累成
枝白露后實更繁衍嫩時可充蔬食茶料老則收子
煮食子有黑白赤斑四色一種莢硬不堪食惟豆
子粗圓而色白皆可入藥本草不分別亦缺文也

白扁豆修治

時珍曰凡用取硬殼扁豆子連皮炒熟
入藥亦有水浸去皮及生用者從本方

氣味甘微溫無毒

託曰微寒患冷人勿食
景曰患寒熱者不可食

主治和中下氣

別錄

補五臟主嘔逆久服頭不白

孟療

霍亂吐利不止研末和醋服之蘇恭行風氣治女子帶

下解酒毒河豚魚毒蘇頌解一切草木毒生嚼及煮汁

飲取効甄權止泄痢消暑暖脾胃除濕熱止消渴時珍

發明時珍曰硬殼白扁豆其子充實白而微黃其氣腥香其性溫平得乎中和脾之穀也入太陰氣

分通利三焦能化清降濁故專治中宮之病消暑除濕而解毒也其軟殼及黑鵲色者其性微涼但可供

食亦調脾胃

附方新霍亂吐利扁豆香薷各一升水六升煮二升分服千金霍亂轉筋

白扁豆為末醋普濟方消渴飲水金豆丸用白扁豆浸去皮和服蘇頌粉汁同蜜和

丸梧子大金箔為衣每服三二十丸天花粉汁下赤
日二服忌炙博酒色次服滋腎藥仁存堂方

白帶下

白扁豆炒為末用
米飲每服二錢

毒藥墮胎

女人服草藥墮
胎腹痛者生白

扁豆去皮為末米飲服方寸匕濃煎汁飲亦可丸服
若胎氣已傷未墮者或口喋手強自汗頭低似乎中

風九死一生醫多不
識作風治必死無疑

中砒霜毒

白扁豆生研水絞六
汁飲並永類方

畜肉毒

白扁豆燒存性研塗水
服之良事林廣記

諸烏肉毒

生扁豆末
冷水服之

上 同 **惡瘡痂痒**

作痛以扁豆搗封
痂落即愈肘后

花主治女子赤白帶下乾末米飲服之

蘇煔研服治

崩帶作餽飪食治泄痢搗水飲解中一切藥毒垂死

功同扁豆

時珍

附方新血崩不止

白扁豆花焙乾為末每服二錢空心炒米煮飲入鹽少許調下即効

奇効

一切泄痢

白扁豆花正開者擇淨勿洗以滾湯淪過和小豬脊肥肉一條葱一

良方

根胡椒七粒醬汁拌勻就以淪豆花汁和麪包作小餛飩炙熟食之必用食治方

葉主治霍亂吐下不止

別錄

吐利後轉筋生擣一把入

少酢絞汁服立瘥

蘇恭

醋炙研服治瘕疾

孟詵

杵傳蛇咬

大明

藤主治霍亂同蘆薈人參倉米等分煎服

時珍

刀豆
綱目

釋名挾劍豆

時珍曰以莢形命名也紫段成式酉陽雜俎云樂浪有挾劍豆莢生橫斜如人

挾劍即此豆也

集解

穎曰刀豆長尺許可入醬用時珍曰刀豆人多種之三月下種蔓生引一二丈葉如豇豆葉而

稍長大五六月開紫花如蛾形結莢長者近尺微似皂莢扁而劍脊三稜宛然嫩時煮食醬食蜜煎皆佳老則收子子大如拇指頭淡紅色同豬肉雞肉煮食尤美

氣味甘平無毒主治溫中下氣利腸胃止饑逆益腎

補元

時珍

發明

時珍曰刀豆本草失載惟近時小書載其暖而補元陽也又有人病後飢逆不止聲聞隣家或

令取刀豆子燒存性白湯調服二錢即止此亦取其下氣歸元而逆自止也

黎豆

拾遺

校正

自草部移入此

釋名狸豆

綱目虎豆

藏器曰豆子作狸首文故名時珍曰黎亦黑色也此豆莢老則黑色

有毛露筋如虎狸指爪其子亦有點如虎狸之斑煮之汁黑故有諸名

集解

藏器曰黎豆生江南蔓如葛子如皂莢子作狸首文人炒食之別無功用陶氏註蚺蛇膽云如

黎豆者即此也爾雅云諸慮一名虎涉又註栗根云苗如豆爾雅攝虎栗郭璞註云江東呼栗為藤似葛而粗大纏蔓林樹莢有毛刺一名豆莢今虎豆也千歲栗是矣時珍曰爾雅虎栗即狸豆也古人謂藤為

梟后人訛梟為狸矣爾雅山梟虎梟原是二種陳氏合而為一謂諸慮一名虎涉又以為千歲梟並誤矣千歲梟見草部狸豆野生山人亦有種之者三月下種生蔓其葉如豇豆葉但文理偏斜六七月開花成簇紫色狀如扁豆花一枝結莢十餘長三四寸大如姆指有白茸毛老則黑而露筋宛如乾熊指爪之狀其子大如刀豆子淡紫色有斑點如狸文煮去黑汁同猪雞肉再煮食味乃佳

氣味甘微苦溫有小毒

人多食令人悶

主治溫中益氣

時珍

本草綱目卷二十四

欽定四庫全書

子部

本草綱目卷二十五

詳校官太醫院吏目臣宋桂

編修臣倉聖脈覆勘

總校官庶吉士臣何思鈞

校對官待詔臣胡士震

謄錄監生臣湯汝梅

欽定四庫全書

本草綱目卷二十五目錄

穀之四

造釀類二十九種

附藥粥五十三種
藥酒七十種

大豆豉

別錄

豆黃

食療

豆腐

日用

陳廩米

別錄

飯拾遺

青精乾石飴飯圖經

粥

拾遺諸藥粥附

炒拾遺

米饅網目

糲網目

寒具網目

蒸餅網目

女麴唐本

黃蒸 唐本

麴 嘉祐

神麴 藥性

紅麴 丹溪補遺

蘖米 別錄
即麥芽

飴餭 別錄

醬 別錄

榆仁醬 食療

蕪荑醬 食療

醋 別錄

酒 別錄 諸藥酒附

燒酒 綱目

葡萄酒 綱目

糟 綱目

米粃 食物

春杵頭細糠 別錄

右附方舊八十新一百

本草綱目卷二十五目錄

欽定四庫全書

本草綱目卷二十五

明 李時珍 撰

穀之四

造釀類二十九種 附藥
粥五十三種 藥酒七十種

大豆豉

別錄
中品

釋名

時珍曰按劉熙釋名云豉嗜也嗜也許慎說文謂豉為配鹽幽菽者乃鹹豉也

集解

弘景曰豉出襄陽錢塘者香美而濃入菜取中
心者佳藏器曰蒲州豉味鹹作法與諸豉不同

其味烈陝州有豉汁經十年不敗入藥並不如今之
豉心為其無鹽故也說曰陝府豉汁甚勝常豉其法

以大豆為黃蒸每一斗加鹽四升椒四兩春三日夏二日即成半熟加生薑五兩既潔淨且精也時珍曰豉諸大豆皆可為之以黑豆者入藥有淡豉鹹豉治病多用淡豉汁及鹹者當隨方法其豉心乃合豉時取其中心者非剝皮取心也此說見外臺秘要造淡豉法用黑大豆二三斗六月內淘淨水浸一宿漚乾蒸熟取出攤席上候微溫蒿覆每三日一看候黃衣上遍不可太過取晒簸淨以水拌乾濕得所以汁出指間為準安甕中築實桑葉蓋厚三寸密封泥於日中晒七日取出曝一時又以水拌入甕如此七次再蒸過攤去火氣甕收築封即成矣造鹹豉法用大豆一斗水浸三日淘蒸攤晷候上黃取出簸淨水淘漉乾每四斤入鹽一斤薑絲半斤椒橘蘇茴杏仁拌勻入甕上面水浸過一寸以箬蓋封口晒一月乃成也造豉汁法十月至正月用好豉三斗清麻油熬令烟斷以一升拌豉蒸過攤冷晒乾拌再蒸凡三遍以白

鹽一斗搗和以湯淋汁三四斗入淨釜下椒薑蔥橘
絲同煎三分減一貯於不津器中香美絕勝也有麩
豉瓜豉醬豉諸品皆可為
之但充食品不入藥用也

淡豉氣味苦寒無毒
思邈曰苦甘寒瀉得鹽
良果曰陰中之陰也

主治傷寒頭痛寒熱瘴氣惡毒煩躁滿悶虛勞喘吸
兩脚疼冷殺六畜胎子諸毒
別錄治時疾熱病發汗熬

末能止盜汗除煩生搗為丸服治寒熱風胸中生瘡
煮服治血痢腹痛研塗陰莖生瘡
藥性治瘡疾骨蒸中

毒藥蠱氣犬咬
大明下氣調中治傷寒溫毒發癰嘔逆

時珍 千金治
溫毒黑膏用之

蒲州豉氣味鹹寒無毒主治解煩熱熱毒寒熱虛勞

調中發汗通關節殺腥氣傷寒鼻塞陝州豉汁亦除

煩熱

藏器

發明

弘景曰豉食中常用春夏之氣不和蒸炒以酒漬服之至佳依康伯法先以醋酒漉蒸曝燥麻

油和再蒸曝之凡三過末椒薑治和進食大勝今時油豉也患脚人常將漬酒飲之以滓傳脚皆瘥頌曰

古今方書用豉治病最多江南人善作豉凡得時氣即先用葱豉湯服之取汗往往便瘥也時珍曰陶說

康伯豉法見博物志云原出外國中國謂之康伯乃傳此法之姓名耳其豉調中下氣最妙黑豆性平作

豉則溫既經蒸暑故能升能散得葱則發汗得鹽則能吐得酒則治風得薤則治痢得蒜則止血炒熟則又能止汗亦麻黃根節之義也

附方

舊三十一
新一十八

傷寒發汗

頌曰葛洪肘后方云傷寒有數種庸人卒不能分別

者今取一藥魚療之凡初覺頭痛身熱脉洪一二日便以葱豉湯治之用葱白一虎口豉一升綿裹水三升煮一升頓服取汗更作加葛根三兩再不汗加麻黃三兩肘后又法用葱湯煮米粥入鹽豉食之取汗又法用豉一升小男傷寒不解傷寒不止不解溺三升煎一升分服取汗傷寒不解傷寒不止不解問惡者用豉一升鹽一合水四升煮一辟除瘟疫和升半分服取吐此秘法也梅師方白朮浸酒常傷寒懊懣吐下後心中懊懣大下後身服之梅師熱不去心中痛者並用芫子

豉湯吐之肥戇子十四枚水二盞煮一盞入豉半傷
兩同煮至七分去滓服得吐止后服傷寒論

寒餘毒

傷寒後毒氣攻手足及身體虛腫用豉五合
微炒以酒一升半同煎五七沸任性飲之

簡要
濟衆

傷寒目翳

燒豉二十七枚研
末吹之

傷寒暴痢

藥性論曰
以豉一升

薤白一握水三升煮薤熟納
豉更煮色黑去豉分為二服

血痢不止

用豉大蒜等
分杵丸梧子

大每服三十九鹽
湯下

王氏博濟
血痢如刺

藥性論曰以豉一升水
漬相淹煎兩沸絞汁頓

服不瘥
再作

赤白重下

葛氏用豆豉熬小焦搗服一合日
三或炒焦以水浸汁服亦驗外

臺用豉心炒為末一升分
四服酒下入口即斷也

臟毒下血

烏犀散用淡豉
十文大蒜二枚

煨同搗丸梧子大煎香菜湯服二十九日二服安乃
止永絕根本無所忌
廬州彭大祥云此藥甚妙但

大蒜九蒸乃佳仍以冷蘆水送下昔朱元成言其姪及陸子楫提刑皆服此數十年之疾更不復作也

寬原 小便血條 或淡豆豉一撮煎湯空腹飲 危氏得效方 瘧疾寒熱

煮豉湯飲數升得大 小兒寒熱 惡氣中人以濕豉研吐即愈 肘后方 丸雞子大以摩臍上

及手足心六七遍又摩心臍上旋旋呪之了破豉 盜丸看有細毛棄道中即便瘥也 食醫心鏡方

汗不止 說曰以豉一升微炒香清酒三升漬三日取汁冷暖任服不瘥更作三兩劑即止 鼻

喘痰積 凡天雨便發坐卧不得飲食不進乃肺竅久積冷痰遇陰氣觸動則發也用此一服即愈

服至七八次即出惡痰數升藥性亦隨而出即斷根矣用江西淡豆豉一兩蒸搗如泥入砒霜末一錢枯

白礬三錢丸綠豆大每用冷茶冷水送下七丸甚者九丸小兒五丸即高枕仰卧忌食熱物等皆效方

風毒膝攣

骨節痛用鼓三五升九蒸九暴以酒一斗浸經宿空心隨性溫飲食醫心鏡

足不隨

鼓三升水九升煮三升分三服又法鼓一升微熬囊貯清三升酒中三宿溫服常令微醉

為佳
肘后方
頭風疼痛

鼓湯洗頭避風取
卒不得語
煮鼓汁加

八美酒服
之
肘后

喉痺不語
煮鼓汁一升服覆取汗仍着咽
千金

生瘰肉

鹽鼓和搗塗之先刺破出
口舌生瘡
胸膈疼痛者用

焦鼓末含一宿
即瘥
聖惠方

舌上血出
如針孔者鼓三升水三升
煮沸服一升日三服
葛

氏墮胎血下

煩滿用鼓一升水三升煮三沸調
鹿角末方寸匕
子母秘錄方
妊娠

動胎

鼓汁服炒華佗
婦人難產
乃兒枕破與敗血畏
其子也以勝金散逐

其敗血即順矣用鹽豉一兩以舊青布裹了燒赤乳細入麝香一錢為末取秤鍾燒紅淬酒調服一大盞

郭稽 小兒胎毒 淡豉煎濃汁與三五口其毒自消 聖惠 小兒胎毒 下又能助脾氣消乳食

兒覓乳 用鹹豉七箇去皮臙粉一錢同研丸黍米小大每服三五丸藿香湯下 全幼心鑑

兒丹毒 作瘡出水豉炒烟盡為小兒頭瘡 以黃泥裹未油調傅之姚和衆方 煨熟取研

以尊菜油調 勝金 發背癰腫 已潰未潰用香豉三升入少水擣成泥昭腫處大小作餅

厚三分瘡有孔勿覆孔上鋪豉餅以艾列於上灸之但使溫溫勿令破肉如熱痛即急易之患當減快一

日二次灸之如先有孔一切惡瘡 熱豉為末傅之不日二次出為妙 千金方 一切惡瘡 過三四次出楊氏

產陰莖生瘡 痛爛者以豉一分蚯蚓濕泥二分水研和塗上乾即易之禁熱食酒蒜芥菜

藥性 蠅 蠅尿瘡

杵鼓傳之 良千金 蟲刺螫人

見鼓中有毛即

瘡若不見再傳 晝夜勿

外臺

蹉跌破傷

筋骨用鼓三升水

止心悶

毆傷瘀聚

腹中悶滿鼓一升水三升煮

解蜀

椒毒

鼓汁飲之

中牛馬毒

鼓汁和人乳頻服

小蝦蟇

毒

小蝦蟇有毒食之令人小便秘澀臍下悶痛有至

即愈 節

中酒成病

鼓葱白各半升水二升

服藥過

劑 悶亂者 鼓汁

雜物眯目

不出用鼓三七枚浸水洗

刺在肉中

嚼鼓塗之

小兒病淋

方見蒸餅

腫從脚起

豉汁飲之以滓
傳之肘后方

豆黃

療食

校正

原附大豆
下今分出

釋名

時珍曰造法用黑豆一斗蒸熟鋪席上以蒿覆之如禽普法待上黃取出曬乾搗末收用

氣味甘溫無毒

說曰忌豬肉

主治濕痺膝痛五臟不足脾

胃氣結積壯氣力潤肌膚益顏色填骨髓補虛損能

食肥健人以鍊豬脂和丸每服百丸神驗秘方也肥

人勿服

說年秘錄方

生嚼塗陰痒汗出

時珍

附方

新脾弱不食

解此當食大豆黃二升大麻子三升熬香為末每服一合飲下日四

五服任意

千金方

打擊青腫

大豆黃為末水和塗之外臺秘要

豆腐

日用

集解

時珍曰豆腐之法始於漢淮南王劉安凡黑豆黃豆及白豆泥豆豌豆綠豆之類皆可為之造

法水浸礮碎濾去滓煎成以鹽卤汁或山礬葉或酸漿醋澱就釜收之又有入缸內以石膏末收者大抵得鹹苦酸辛之物皆可收斂爾其面上凝結者揭取眼乾名豆腐皮入饌甚佳也

氣味甘鹹寒有小毒

原曰性平頌曰寒而動氣瑞曰發腎氣瘡疥頭風杏仁可解時

珍曰按延壽書云有人好食豆腐中毒醫不能治作腐家言菜菔入湯中則腐不成遂以菜菔湯下藥而愈大抵暑月恐有人汗尤宜慎之

主治寬中益氣和脾胃消脹滿下大腸濁氣清熱

散血時珍

附方新休息久痢白豆腐醋煎食之赤眼腫痛有數種皆

四

即愈

普濟方

赤眼腫痛

有數種皆

肝熱血凝也用消風熱藥服之夜用鹽收杖瘡青腫

豆腐片貼之酸漿者勿用證治要訣

豆腐切片貼之頻易一法以燒酒煮燒酒醉死心頭熱者

陳廩米別錄

下品

釋名陳倉米古老米俗火米時珍有屋曰廩無屋曰倉皆官積也方曰倉圓

曰因皆私積也老亦陳也火米有三有火蒸治成者有大燒治成者又有畬田火米與此不同

集解

弘景曰陳廩米即粳米久入倉陳赤者以廩軍人故曰廩爾方中多用之人以作醋勝於新粳

米也藏器曰廩米吳人以粟為良漢地以粳為善亦猶吳紵鄭縞貴近賤遠之意確論其功粟當居前宗奭曰諸家註說不言是粳是粟然二米陳者性皆冷煎煮亦無膏膩粉食令人自利與經說稍戾時珍曰廩米北人多用粟南人多用粳及私並水浸蒸晒為之亦有火燒過治成者入倉陳久皆氣過色變故古人謂之紅粟紅廩陳陳相因也

氣味鹹酸溫無毒

藏器曰廩米熟食即熱冷食即冷假以火氣也體自溫平同馬肉飡

發痼疾時珍曰廩米年久其性多涼主治下氣除煩但炒食則溫爾豈有熟食即熱者乎

渴調胃止洩

別錄

補五臟澀腸胃

日華

暖脾去懣氣宜作

湯食

士良

炊飯食止痢補中益氣堅筋骨通血脉起陽

道以飯和酢搗封毒腫惡瘡立瘥北人以飯置甕中

水浸令酸食之暖五臟六腑之氣研米服去卒心痛

孟詵

寬中消食多食易饑

竇原

調腸胃利小便止渴除熱

時珍

發明

時珍曰陳倉米煮汁不渾初時氣味俱盡故沖淡可以養胃古人多以煮汁煎藥亦取其調腸

胃利小便去濕熱之功也千金方治洞注下利炒此米研末飲服者亦取此義日華子謂其澀腸胃寇氏

謂其冷利
皆非中論

附方

新

霍亂大渴

能殺人以黃倉米三升水一斗反
煮汁澄清飲良 永類鈴方

胃腸氣

不下食者大倉散用倉米或白米日西時以
水微拌濕自想日氣如在米中次日曬乾袋

盛掛風處每以一撮水煎和汁飲之即時便下 又
方陳倉米炊飯焙研每五兩入沈香末半兩和勻每

米飲服二三
錢 普濟方 諸般積聚

太倉丸治脾胃饑飽不時生
病及諸般積聚百物所傷陳

倉米四兩以巴豆二十一粒去皮同炒至米香豆黑
勿令米焦擇去豆不用入去白橘皮四兩為末糊丸

梧子大每薑湯服五丸
日二服 百一選方

暑月吐瀉

陳倉米二升麥芽
四兩黃連四兩切

同蒸熟焙研為末水丸梧
子大每服百丸白湯送下

飯拾遺

釋名 飯

集解 時珍曰飯食諸穀皆可為之各隨米性詳見本條然有入藥諸飯不可類從者應當別出大抵

皆取粳秈粟米者爾

新炊飯主治人尿牀以熱飯一盞傾尿牀處拌與食之勿令病者知又乘熱傳腫毒良 時珍

寒食飯 饋飯也 主治滅癰痕及雜瘡研末傳之 藏器 燒灰

酒服治食本米飲成積黃瘦腹痛者甚效 孫思邈 傷寒

食復用此飯燒研米飲服二三錢效

時珍

祀竈飯主治卒噎取一粒食之即下燒研捺鼻中瘡

時珍

盆邊零飯主治鼻中生瘡燒研傳之

時珍

齒中殘飯主治蝎蛟毒痛傳之即止

時珍

殮飯

殮音孫即水飯也

主治熱食解渴除煩

時珍

荷葉燒飯主治厚脾胃通三焦資助生發之氣

時珍

發明

李杲曰易水張潔古枳朮丸用荷葉裹燒飯為丸蓋荷之為物色青中空象乎震卦風木在人

為足少陽膽同手少陽三焦為生化萬物之根蒂用此物以成其化胃氣何由不上升乎更以燒飯和藥與白朮協力滋養穀氣令胃厚不致再傷其利廣矣大矣時珍曰按韓愈醫通云東南人不識北方炊飯無飯類乎為燒如燒菜之意遂訛以荷葉色飯入灰火燒煨雖丹溪亦未之辯但以新荷葉煮湯入粳米造飯氣味亦全也凡粳米造飯用荷葉湯者寬中芥葉湯者豁痰紫蘇湯者行氣解肌薄荷湯者去熱淡竹葉湯者辟暑皆可類推也

青精乾石餼飯

宋圖經

釋名烏飯

頌曰按陶隱居登真隱訣載太極真人青精乾石餼飯法餼音信餼之為言糈也謂

以酒蜜藥草輩漚而曝之也亦作迎凡內外諸書並無此字惟施於此飯之名耳陳藏器本草名烏飯

集解

頌曰登真隱訣載南燭草木名狀註見木部本條下其作飯法以生白粳米一斛五斗舂治浙

取一斛二斗用南燭木葉五斤燥者三斤亦可雜莖皮煮取汁極令清冷以漉米米釋炊之從四月至八月末用新生葉色皆深九月至三月用宿葉色皆淺可隨時進退其斤兩又采軟枝莖皮於石臼中搗碎假令四五月中作可用十許斤熟舂以斛二斗湯浹染得一斛也比來只以水漬一二宿不必用湯漉而炊之初米正作紅色蒸過便如紺色若色不好亦可淘去更以新汁漬之洒護皆用此汁惟令飯作正青色乃止高格曝乾當三蒸曝每蒸輒以葉汁漉令泥泥每日可服二升勿復血食填胃補髓消滅三蟲上元寶經云子服草木之王氣與神通子食青燭之津命不復殞此之謂也今茅山道士亦作此飯或以寄遠重蒸過食之甚香甘也藏器曰烏飯法取南燭莖葉搗碎清汁浸粳米九浸九蒸九曝米粒紫小黑如

璧珠袋盛可以通達方也時珍曰此飯乃仙家服食之法而今之釋家多於四月八日造之以供佛耳造者又入柿葉白楊葉數十枝以助色或又加生鐵一塊者止知取其上色不知乃服食家所忌也

氣味甘平無毒主治日進一合不饑益顏色堅筋骨

能行

藏器

益腸胃補髓滅三蟲久服變白却老

蘇頌出太極

真人法

粥

拾遺

釋名糜

時珍曰粥字象米在釜中相屬之形釋名云煮米為粥使糜爛也粥濁於糜育育然也厚

曰饘薄曰配

小麥粥主治止消渴煩熱

時珍

寒食粥

用杏仁和諸花作之

主治咳嗽下血氣調中

藏器

糯米

秫米

黍米粥氣味甘溫無毒主治益氣治

脾胃虛寒洩痢吐逆小兒痘瘡白色

時珍

粳米

私米

粟米

梁米粥氣味甘溫平無毒

主治利小便止煩渴養腸胃

時珍

發明

時珍曰按羅天益寶鑑云粳粟米粥氣薄味淡陽中之陰也所以淡滲下行能利小便韓愈醫

通云一人病淋素不服藥予令專啖粟米粥絕去他味旬餘減月餘痊此五穀治病之理也又張來弼記

云每日起食粥一大碗空腹胃虛穀氣便作所補不
細又極柔膩與腸胃相得最為飲食之妙訣齊和尚
說山中僧每將旦一粥甚繫利害如不食則終日覺
臟腑燥涸蓋粥能暢胃氣生津液也大抵養生求安
樂亦無深遠難知之事不過寢食之間爾故作此勸
人每日食粥勿大笑也又蘇軾帖云夜饑甚吳子野
勸食白粥云能推陳致新利膈益胃粥既快美粥後
一覺妙不可言也此皆著粥之有益如此諸穀作粥
詳見本條古方有用藥物粳粟粱米作粥治病甚
多今畧取其可常食者集於下方以備參考云

赤小豆粥利小便消水腫脚氣辟邪癘

綠豆粥解熱毒止煩渴

御米粥治反胃利大腸

薏苡仁粥除濕熱利腸胃

蓮子粉粥健脾胃止洩痢

芡實粉粥固精氣明目

菱實粉粥益腸胃解內熱

栗子粥補腎氣益腰脚

薯蕷粥補腎精固腸胃

芋粥寬腸胃令人不饑

百合粉粥潤肺調中

蘿蔔粥消食利膈

胡蘿蔔粥寬中下氣

馬齒莧粥治痺消腫

油菜粥調中下氣

蒼蓬菜粥健胃益脾

波稜菜粥和中潤燥

薺菜粥明目利肝

芹菜粥去伏熱利大小腸

芥菜粥豁痰辟惡

葵菜粥潤燥寬腸

韭菜粥溫中暖下

蔥豉粥發汗解肌

茯苓粉粥清上竇下

松子仁粥潤心肺調大腸

酸棗仁粥治煩熱益膽氣

枸杞子粥補精血益腎氣

薤白粥治老人冷利

生薑粥溫中辟惡

花椒粥辟瘴禦寒

茴香粥和胃治疝

胡椒粥 茱萸粥 辣米粥並治心腹疼痛

麻子粥 胡麻粥 郁李仁粥並潤腸治痺

蘇子粥下氣利膈

竹葉湯粥止渴清心

豬腎粥 羊腎粥 鹿腎粥並補腎虛諸疾

羊肝粥 雞肝粥並補肝虛明目

羊汁粥 雞汁粥並治勞損

鴨汁粥 鯉魚汁粥並消水腫

牛乳粥補虛羸

酥蜜粥養心肺

鹿角膠入粥食助元陽治諸虛

炒麴入粥食止白痢 燒鹽入粥食止血痢

麴

尺沼切
拾遺

校正

原附粟下
今分出

釋名

麴去九切時珍曰麴以炒成其臭香故麴從臭
麴從炒省也劉熙釋名云麴醕也飯而磨之

便齧
碎也

集解

恭曰麴蒸米麥熬過磨作之藏器曰河東人以
參為之北人以粟為之東人以粳米為之炒乾

飯磨成也粗
者為乾麴糧

米麥麴氣味甘苦微寒無毒

藏器曰
酸寒

主治寒中除熱

渴消石氣

蘇頌

和水服解煩熱止洩實大腸

藏器

炒米湯

止煩渴

時珍

饅目網

釋名案

時珍曰饅以黍糯合粳米粉蒸成狀如凝膏也單糯粉作者曰案米粉合豆末糖蜜蒸成

者曰餌釋名云案慈軟也餌而也相粘而也揚雄方言云餌謂之饅或謂之案或謂之鈴音令或謂之饅音浥然亦微有分別不可不知之也

氣味甘溫無毒

時珍曰粳米饅易消導案饅最難化損脾或積小兒尤宜禁之

主治粳饅養脾胃厚腸益氣和中 案饅益氣暖中

縮小便堅大便秘

時珍

發明

時珍曰晚粳米饅可代蒸餅丸脾胃藥取其易化也糯米案可代糯米丸丹藥取其相粘也九

日登高米餠亦可入藥按聖惠方治山瘴瘧有餠角
飲九月九日取米餠角陰乾半兩寒食飯二百粒豉
一百粒獨蒜一枚恒山一兩以水二盞浸
一夜五更煎至一盞頓服當下利為度

附方新老人泄瀉

乾餠一兩薑湯沱
化代飯簡便方

糴

目網

釋名角黍

時珍曰糴俗作粽古人以菰蘆葉裹黍米
煮成尖角如糴櫛葉心之形故曰糴曰角

黍近世多用糯米矣今俗五月五日以為節物
相餽送或言為祭屈原作此投江以飼蛟龍也

氣味甘溫無毒主治五月五日取糴尖和截瘧藥良

珍時

寒具

目網

釋名捻頭

乙錢

環餅

要餽

時珍曰寒具冬春可留數月

捻頭捻其頭也環餅象環釧形也餽易消散也服虔

通俗文謂之餽張揖廣雅謂之稊

雜字解詁謂之膏環

集解

時珍曰錢乙方中有捻頭散葛洪肘後有捻頭

湯醫書不載按鄭玄註周禮云寒具米食也賈

思勰要術云環餅一名寒具以水搜入牛羊脂和作

之入口即碎林洪清供云寒具捻頭也以糯粉和麪

麻油煎成以饴食之可留月餘宜禁烟用觀此則寒

具即今饊子也以糯粉和麪入少鹽牽索紐捻成環

釧之形油煎食之劉禹錫寒具詩云纖手搓成玉數

尋碧油煎出嫩黃深夜來春睡無輕重壓福佳人纏

金臂

氣味甘鹹溫無毒主治利大小便潤腸溫中益氣

時珍

附方 新錢氏捻頭散

治小兒小便不通用延胡索苦楝子等分為末每服半錢或一

錢以捻頭湯食前調下如無捻頭滴油數點代之

錢氏小兒方 血痢不止

地榆晒研為末

每服二錢摻在羊血上炙熟食之以捻頭煎湯送下或以地榆煮汁熬如飴狀一服三合捻頭湯化下

蒸餅

綱目

釋名

時珍曰按劉熙釋名云餅者并也漻麪使合并有蒸餅湯胡餅索餅酥餅之屬皆隨形命名

也

集解

時珍曰小麥麴修治食品甚多惟蒸餅其來最古是醱糟發成單麴所造丸藥所須且能治疾

而本草不載亦一缺也惟臘月及寒食日蒸之至皮裂去皮懸之風乾臨時以水浸脹搗爛濾過和脾胃及三焦藥甚易消化且麴已過性不助濕熱其以果菜油膩諸物為餽者不堪入藥

氣味甘平無毒主治消食養脾胃溫中化滯益氣和

血止汗利三焦通水道

時珍

發明

時珍曰按愛竹談藪云宋寧宗為郡王時病淋日夜凡三百起國醫罔措或舉孫琳治之琳用

蒸餅大蒜淡豆豉三物搗丸令以溫水下三十九日今日進三服病當減三之一明日亦然三日病除已而果然賜以千緡或問其說琳曰小兒何緣有淋只是水道不利三物皆能通利故爾若琳者其可與語

醫
矣

附方

新積年下血

寒食蒸餅烏龍尾各一兩皂角七挺去皮酥炙為末蜜丸米飲每服

二十九
聖惠方

下痢赤白

治營衛氣虛風邪襲入腸胃之間便痢赤白臍腹疼痛裏急後重煩

渴服滿不進飲食用乾蒸餅蜜拌炒二兩御米殼蜜炒四兩為末煉蜜丸芡子大每服一丸水一盞煎化

熱服

傳信

崩中下血

陳年蒸餅燒存性米飲服二錢盜汗自汗每夜

過數日即止

醫林集要

一切折傷寒食蒸餅為末每服二錢酒下

甚驗

肘后方

湯火傷灼

饅頭餅燒存性研末油調塗傅之肘后方

女麴

拾遺

校正

原附小麥下今分出

釋名麴子

音桓

黃子

時珍曰此乃女人以完麥卷成黃子故有諸名

集解

恭曰女麴完小麥為飯和成卷之待上黃衣取晒

氣味甘溫無毒主治消食下氣止洩痢下胎破冷血

蘇頌

黃蒸

拾遺

校正

原附小麥下今分出

釋名黃衣

蘇恭

麥黃

時珍曰此乃以米麥粉和卷待其薰蒸成黃故有諸名

集解

恭曰黃蒸磨小麥粉拌水和成餅麻葉裹待上黃衣取晒藏器曰黃蒸與麴子不殊北人以小

麥南人以粳米六七月作之生綠塵者佳時珍曰女麴蒸麥飯卷成黃蒸磨米麥粉卷成稍有不同也

氣味主治並同女麴

蘇恭

溫補能消諸生物

藏器

溫中下

氣消食除煩

日華

治食黃黃汗

時珍

附方

新

一廕黃疸疾

或黃汗染衣涕唾皆黃用好黃蒸二升每夜以水二升浸微暖於銅

器中平旦絞汁半升極效必效方

麴

宋嘉祐

釋名酒母

時珍曰麴以米麥包糞而成故字從麥從米從包省文會意也酒非麴不生故曰酒

母書云若作酒醴爾惟麴蘖是矣劉熙釋名云麴朽也爵使生衣敗朽也

集解

藏器曰麴六月作者良入藥須陳久者妙香用時珍曰麴有麥麴米造者不一皆酒醋所須俱

能消導功不甚遠造大小麥麴法用大麥米或小麥連皮并水淘淨晒乾六月六日磨碎以淘麥水和作

塊楮葉包紮懸風處七十日可用矣造麴法三伏時用白麴五斤綠豆五斤以麥汁煮爛辣蓼末五兩杏仁泥十兩和踏成餅楮葉裹懸風處候生黃妝之造白麴法用麴五斤糯米粉一斗水拌微濕篩過踏餅楮葉包掛風處五十日成矣又米麴法用糯米粉一斗自然蓼汁和作圓丸楮葉包掛風處七七日晒收此數十麴皆可入藥其各地有入諸藥草及毒藥者皆有毒惟可造酒不可入藥也

小麥麴氣味甘溫無毒震亨曰麴皮麴涼入大腸經主治消穀止

痢別錄平胃氣消食痔治小兒食癆蘇恭調中下氣開胃

療臟腑中風寒藏器主霍亂心膈氣痰逆除煩破癥結

孟詵補虛去冷氣除腸胃中塞不下食令人有顏色

吳瑞

落胎并下鬼胎

日華

止河魚之疾

梁簡帝勸醫文

大麥麴氣味

同前

主治消食和中下生胎破血取五升

以水一斗煮三沸分五服其子如糜令母肥盛

時珍

麴米麴氣味

同前

主治消食積酒積糯米積研末酒

服立愈餘功同小麥麴

時珍出千金

附方舊五米穀食積

炒麴末白湯調服二錢日三服

三焦滯氣

陳麴炒萊

蘇子炒等分每用三錢水煎入麝香少許服

普濟小腹堅大

如盤胸滿食不能消化用麴末

湯服方寸匕
日三

千金

水痢百起

六月六日麴炒黃馬藟子等
分為末米飲服方寸匕無馬

藟子用牛骨灰
代之普濟方

赤白痢下

水穀不消以麴熬粟米粥
服方寸匕日四五服

后酒毒便血

麴一塊濕紙包煨為末
空心米飲服二錢神效

傷寒食復

麴餅煮

汁飲之良
類要方

胎動不安

或上搶心下血者生麴餅研
末水和絞汁服三升肘后

刺尿瘡

麴末和獨頭蒜杵如麥粒納
瘡孔中蟲出愈古今錄驗

神麴藥性
論

釋名集解

時珍曰昔人用麴多是造酒之麴後醫乃
造神麴專以供藥力更勝之蓋取諸神聚

會之日造之故得神名賈思勰齊民要術雖有造神
麴古法繁瑣不便近時造法更簡易也葉氏水雲錄

云五月五日或六月六日或三伏日用白麴百斤青
蒿自然汁三升赤小豆末杏仁泥各三升蒼耳自然
汁野蓼自然汁各三升以配白虎青龍朱雀玄武
陳腰蛇六神用汁和麴豆杏仁作餅麻葉或楮葉包
署如造醬黃法待
生黃衣晒收之

氣味甘辛溫無毒

元素曰陽中之陽也入足陽明經凡用須火炒黃以助土氣陳久者

良主治化水穀宿食癥結積滯健脾暖胃

藥性養胃氣

治赤白痢

元素

消食下氣除痰逆霍亂泄痢脹滿諸疾

其功與麴同閃挫腰痛者煨過淬酒溫服有效婦人

產後欲回乳者炒研酒服二錢日二即止甚驗

時珍

發明

時珍曰按倪維德啓微集云神麴治目病生用能發其生氣熟用能斂其暴氣也

附方

舊一胃虛不尅神麴半斤麥芽五升杏仁一升各炒為末煉蜜丸彈子大每食

後嚼化一九

壯脾進食

療瘡滿暑泄麴朮丸用神麴炒蒼朮泔制炒等分為末糊

普濟方

九梧子大每米飲服五十丸冷者加

健胃思食養食丸治

乾薑或吳茱萸

肘后百一選方

健胃思食養食丸治

脾胃俱虛不能消化水穀胸膈痞悶腹脇膨脹連年累月食減嗜臥口無味神麴六兩麥蘖炒三兩乾薑

炮四兩烏梅肉焙四兩為末蜜丸梧子大每米飲服五十丸日三服和劑局方虛寒反胃

上方同暴泄不止

神麴炒二兩茱萸湯泡炒半兩為末醋糊丸梧子大每服五十丸米飲下

選方百一產後運絕

神麴炒為末水服食積心痛陳神麴一方寸匕千金方

塊燒紅淬酒二大
碗服之 摘玄方

紅麴丹溪補遺

集解

時珍曰紅麴本草不載法出近世亦奇術也其法白粳米一石五斗水淘浸一宿作飯分作十

五處入麴母三斤搓揉令勻併作一處以帛密覆熟即去帛攤開覺溫急堆起又密覆次日中又作三堆過一時分作五堆再一時合作一堆又過一時分作十五堆稍溫又作一堆如此數次第三日用大桶盛新汲水以竹籬盛麴作五六分蘊濕完又作一堆如前法作一次第四日如前又蘊若麴半沈半浮再依前法作一次又蘊若盡浮則成矣取出日乾收之其未過心者謂之生黃入酒及酢醢中鮮紅可愛未過心者不甚佳入藥以陳久者良

氣味甘溫無毒

瑞曰釀酒則辛熱有小毒發腸風痔瘻脚氣哮喘痰嗽諸疾

主治消食活血健脾燥胃治赤白痢下水穀震釀酒

破血行藥勢殺山嵐瘴氣治打撲傷損吳治女人血

氣痛及產後惡血不盡搗酒飲之良

時珍

發明

時珍曰人之水穀入於胃受中焦濕熱薰蒸游溢精氣日化為紅散布臟腑經絡是為營血此

造化自然之微妙也造紅麴者以白米飯受濕熱鬱蒸變而為紅即成真色久亦不渝此乃人窺造化之

巧者也故紅麴有治脾胃營血之功得同氣相求之理

附方

新濕熱泄痢丹溪青六丸用六一散加炒紅麴五錢為末蒸餅和丸梧子大每服

五七十丸白湯下日
三服 丹溪心法 小兒吐逆 頻併不進乳食手足

三錢半白米麩炒一錢半甘草炙一錢
為末每服半錢煎棗子米湯下 經濟 小兒頭瘡 傷

濕入水成毒濃汁不止用紅
麩嚼卷之甚效 百一選方 心腹作痛 赤麩香附乳

酒服
摘玄方

藥米

別錄
中品

釋名 弘景曰此是以米作藥非別米名也恭曰藥猶
藥也生不以理之名也皆當以可生之物生之

取其藥中之米入藥按食經用稻藥稻即穰穀
之總名陶謂以米作藥非矣米豈能更生乎

集解

宗奭曰藥米粟藥也時珍曰別錄止云藥米不
云粟作也蘇恭言凡穀皆可生者是矣有粟黍

穀麥豆諸蘖皆水浸脹候生芽曝乾去鬚取其中米炒研麴用其功皆主消導余併集於左方曰華子謂

蘖米為作醋黃

子者亦誤矣

粟蘖一名粟芽氣味苦溫無毒宗奭曰今穀神散中

主治寒中下氣除熱

別錄

除煩消宿食開胃

日華

為末和

脂傅面令皮膚悅澤

陶弘景

稻蘖一名穀芽氣味甘溫無毒主治快脾開胃下氣

和中消食化積

時珍

附方新啓脾進食

穀神丸用穀蘖四兩為末入薑汁鹽少許和作餅焙乾入炙甘草砂

仁白朮麩炒各一兩為末白
湯點服之或丸服 澹寮方

穠麥蘖一名麥芽氣味鹹溫無毒主治消食和中
別錄

破冷氣去心腹脹滿
藥性開胃止霍亂除煩悶消痰飲

破癥結能催生落胎
華日補脾胃虛寬腸下氣腹鳴者

用之
元消化一切米麪諸果食積
時珍

發明
好古曰麥芽神麪二藥胃氣虛人宜服之以代
戊巳腐熟水穀豆蔻縮砂烏梅木瓜芍藥五味

子為之使時珍曰麥蘖穀芽粟蘖皆能消導米麪諸
果食積觀造錫者用之可以類推矣但有積者能消
化無積而久服則消入元氣也不可不知若
久服者須同白朮諸藥兼用則無害也矣

附方

新舊三五

快膈進食

麥蘖四兩神麴二兩白朮橘皮各一兩為末蒸餅丸梧子大每

人參湯下三

穀勞嗜卧

飽食便卧得穀勞病令人四肢煩重嘿嘿欲卧食畢輒甚

用大麥蘖一升椒一兩並炒乾薑三兩

腹中虛冷食

不消羸瘦弱乏因生百疾大麥蘖五升小麥麴半升肢五合杏仁二升皆熬黃香搗篩丸彈子大每服

一丸白湯下

產後腹脹

不通轉氣急坐卧不安以麥蘖一合為末和酒服良久通

轉神驗此乃供奉輔太初傳與崔

產後青腫

乃血水積也乾

漆大麥蘖等分為末新瓦中鋪漆一層蘖一層重重令滿鹽泥固濟煨赤研末熟酒調服二錢產後諸疾

並宜婦人經驗方

產後秘塞

用大麥芽炒黃為末每服三錢

沸湯調下與粥間 妊娠去胎 外臺治妊娠欲去胎參
服 婦人良方 藥一升蜜一升服之即

下 小品用大麥芽一升水 產後回乳 產婦無子食
三升煮二升分三服神效 乳乳不消令

人發熱惡寒用大麥蘖二兩炒為末每
服五錢白湯下甚良 丹溪纂要方

飴糖

別錄
上品

釋名 飴

音徐盈切時珍曰按劉熙釋名云糖之清者
曰飴形怡怡然也稠者曰飴強硬如錫也如

飴而濁者曰餹方言謂之餹餹音長皇楚辭云粃
蜜餌用餹餹是也嘉謨曰因色紫類琥珀方中謂之

膠飴乾枯
者名飴

集解 弘景曰方家用飴乃云膠飴是濕糖如厚蜜者
其寧結及牽白者錫糖不入藥用韓保昇曰飴

即軟糖也北人謂之錫糯米粳米秣米蜀秣米大
麻子枳椇子黃精白朮並堪熬造惟以糯米作者入
藥粟米者次之餘但可食耳時珍曰飴飴用麥蘖或
穀芽同諸米熬煎而成古人寒食多食飴故醫方亦
收用之

氣味甘大溫無毒

入太陰經宗爽曰多食動脾氣震亨曰飴糖屬土而成於火大發濕

中之熱冠氏謂其動脾風言未而遺本矣時珍曰凡中滿吐逆秘結牙齦赤目疳病者切宜忌之生痰動火最甚甘屬脾腎病毋多食甘甘傷腎骨痛而齒落皆指此物也

主治補虛乏止渴去血

別錄補虛冷益氣力止腸鳴咽

痛治唾血消痰潤肺止嗽

思邈

健脾胃補中治吐血打

損瘀血者熬焦酒服能下惡血又傷寒大毒嗽於蔓

菁薤汁中煮一沸頓服之良

孟詵

脾弱不思食人少用

能和胃氣亦用和藥

冠宗

解附子草烏頭毒

時珍

發明

弘景曰古方建中湯多用之饴與酒皆用米蘖而饴居上品酒居中品是饴以和潤為優酒以

醱亂為劣也成無已曰脾欲緩急食甘以緩之膠飴之甘以緩中也好古曰飴乃脾經氣分藥也甘能補脾之不足時珍曰集異記云邢曹進河朔健將也為飛矢中目拔矢而鏃留于中鉗之不動痛因俟死忽夢胡僧令以米汁注之必愈廣詢于人無悟者一日一僧丐食肖所夢者叩之僧云但以寒食餠點之如法用之清涼頓減酸楚至夜瘡痒用力一鉗而出旬日而瘡

附方

舊二
新九

老人煩渴

寒食大麥一升水七升煎五升入赤錫二合渴即飲之奉親

書蛟龍癥病

凡人正二月食芹菜誤食蛟龍精者為蛟龍病發則似癰面色青黃每服寒食

錫五合日三服吐出蛟龍有兩頭可驗吐蛇者勿用金匱要畧

魚臍疔瘡

寒食錫塗之良

乾者燒灰

療疽毒瘡

臘月飴餚晝夜塗之數日則愈千金方

誤吞稻芒

白錫頻食

魚骨齧咽

不能出用飴餚丸雞子黃大吞之不下再吞肘后

誤吞

錢釵

及竹木取飴餚一斤漸漸食盡便出外莖

箭鏃不出

醫說良

服藥過

劑

問亂者飴餚食之千金

草烏頭毒

及大雄附子毒並食飴餚即解總錄

手足

痼瘡

炒臘月饒薄之千金方

火燒成瘡

白饒燒灰粉之即燥易瘡小品方

醬

別錄
下品

釋名

時珍曰按劉熙釋名云醬者將也
能制食物之毒如將之平暴惡也

集解

時珍曰麴醬有大麥小麥甜醬麴醬之屬豆醬
有大豆小豆豌豆及豆油之屬豆油法用大豆

三升水煮糜以麴二十四斤拌卷成黃每十斤入鹽
八斤井水四十斤攪晒成油收取之大豆醬法用豆
炒磨成粉一斗入麴三斗和勻切片卷黃晒之每十
斤入鹽五斤井水淹過晒成收之小豆醬法用豆磨
淨和麴量黃次年再磨每十斤入鹽五斤以臘水淹
過晒成收之豌豆醬法用豆水浸蒸軟晒乾去皮每
一斗入小麥一斗磨麴和切蒸過會黃晒乾每十斤
入鹽五斤水二十斤晒成收之麴醬法用小麥麴蒸
熟卷黃晒乾磨碎每十斤入鹽三斤熟湯二十斤晒
成收之甜麴醬用小麥麴和劑切片蒸熟會黃晒簸

每十斤入鹽三斤熟水二十斤晒成收之小麥麴醬用生麴水和布包踏餅登黃晒鬆每十斤入鹽五斤水二十斤晒成收之大麥醬用黑豆一斗炒熟水浸半日同煮爛以大麥麴二十斤拌勻篩下麴用煮豆汁和劑切片蒸熟登黃晒搗每一斗入鹽二斤井水八斤晒成黑甜而汁清又有麻滓醬用麻枯餅搗蒸以麴和勻登黃如常用鹽水晒成色味甘美也

氣味鹹冷利無毒

時珍曰麴醬鹹豆醬甜醬豆油大麥醬麴醬皆鹹甘說曰多食發

小兒無辜生痰動氣妊娠合雀肉食之令兒面黑頰曰麥醬和鯉魚食生口瘡

主治除熱止煩滿殺百藥及熱湯火毒

別錄殺一切魚

肉菜蔬葷毒并治蛇蟲蜂蠆等毒

日醬汁灌入下部

治大便不通灌耳中治飛蛾蟲蟻入耳塗獐犬咬及

湯火傷灼未成瘡者有效又中砒毒調水服即解出

袖

方珍

發明

弘景曰醬多以豆作純麥者少入藥當以豆醬陳久者彌好也又有魚醬肉醬皆呼為醢不入

藥用說曰小麥醬殺藥力不如豆醬又有麋鹿兔雉及鱧魚醬皆不可久食也宗爽曰聖人不得醬不食意欲五味和五臟悅而受之此亦安樂之一端也時珍曰不得醬不食亦魚取其殺飲食百藥之毒也

附方

舊六

手指制掌痛

醬清和蜜溫熱浸之愈乃止千金

瘰癧風駁

醬清和石

硃黃細末日日搽之外臺秘要

妊娠下血

豆醬二升去汁取豆炒研酒服方寸匕日三

古今錄驗妊娠尿血

豆醬一大盞熬乾生地黃二兩為浸末每服一錢米飲下普濟方

淫瘡癬

普辦和人尿塗之千金翼

解輕粉毒

服輕粉口破者以三年陳醬化水頻

救之頻

湖集簡方

榆仁醬

療食

校正

原附醬下今分出

集解

時珍曰造法取榆仁水浸一伏時袋盛揉洗去涎以蓼汁拌晒如此七次同發過麴麴如造醬

法下鹽晒之每一升麴四斤鹽一斤水五斤崔寔月令謂之醬醢是也音牟倫

氣味辛美溫無毒主治利大小便心腹惡氣殺諸蟲

不宜多食

孟詵

蕪荑醬

食療

校正

原附醬下
今分出

集解

時珍曰造法
與榆仁醬同

氣味辛美微臭溫無毒

多食落髮

主治殺三蟲功力強於

榆仁醬

孟詵

發明

張從正曰北人亦多食乳酪酥脯甘美之物皆
生虫之萌也而不生虫者蓋食中多胡荽蕪荑

鹵汁

殺九虫之物也

醋

別錄
下品

釋名

酢

音醋

醯

音今

苦酒

弘景曰醋酒為用無所不入愈
久愈良亦謂之醯以有苦味俗

呼苦酒丹家又加餘物謂為華池左味時珍曰劉熙釋名云醋措也能措置食毒也古方多用酢字也

集解

恭曰醋有數種有米醋麥醋麴醋糠醋糟醋餚醋桃醋葡萄大棗蓼蓂等諸雜果醋會意者亦

極酸烈惟米醋二三年者入藥餘止可噉不可入藥也託曰北人多為糟醋江河人多為米醋小麥醋不及糟醋為多妨忌也大麥醋良藏器曰蘇言葡萄大棗諸果堪作醋綠渠是荆楚人土地儉嗇果敗則以醱酒也糟醋猶不入藥況於果乎時珍曰米醋三伏時用倉米一斗淘淨蒸飯攤冷會黃晒簸水淋淨別以倉米二斗蒸飯和勻入甕以水淹過密封暖處三七日成矣糯米醋秋社日用糯米一斗淘蒸用六月六日造成小麥大麴和勻用水二斗入甕密封釀三七日成矣粟米醋用陳粟米一斗淘浸七日再蒸淘熟入甕密封日夕攪之七天成矣小麥醋用小麥水浸三日蒸熟會黃入甕水淹七七日成矣大麥醋用大

麥米一斗水浸蒸飯食黃晒乾水淋過再以麥飯二斗和勻入水封閉三七日成矣錫醋用錫一斤水三升煎化入白麴末二兩瓶封晒成其餘糟糠等醋皆不入藥不能盡紀也

米醋氣味酸苦溫無毒

託曰大麥醋微寒餘醋並同弘景曰多食損人肌臟藏器

曰多食損筋骨亦損胃不益男子損人顏色醋發諸藥不可同食時珍曰酸屬木脾病毋多食酸酸傷脾內腑而唇揭服茯苓丹參人不可食醋鏡源曰米醋煮制四黃丹砂膽礬常山諸藥也

主治消癰腫散水氣殺邪毒

別錄

理諸藥消毒

治產

後血運除癥塊堅積消食殺惡毒破結氣心中酸水

痰飲

藏器

下氣除煩治婦人心痛血氣并產後及傷損

金瘡出血昏運殺一切魚肉菜毒

日

醋磨青木香止

卒心痛血氣痛浸黃蘗含之治口瘡調大黃末塗腫

毒煎生大黃服治瘰癧甚良

孟

散瘀血治黃疸黃汗

好古曰張

仲景治黃汗有黃芪芍藥桂枝苦酒湯治黃疸
有麻黃醇酒湯用苦酒清酒方見金匱要畧

發明

宗奭曰米醋比諸醋最釀入藥多用之穀氣全也故勝糟醋產婦房中常以火炭沃醋氣為佳

酸益血也以磨雄黃塗蜂蠆毒亦取其收而不散之
義今人食酸則齒軟謂其水生木水氣弱木氣強故
如是造靴皮者須得醋而紋發故知其性收斂不負
酸收之意時珍曰按孫光憲北夢瑣言云一婢抱兒
落炭火上燒灼以醋泥傅之旋愈無痕又一少年眼
中常見一鏡趙卿謂之曰來晨以魚鱸奉候及期延

至從容久之少年飢甚見臺上一甄芥醋旋旋吸之
遂覺胸中豁然眼花不見卿云君喫魚鱠太多魚畏
芥醋故權誑而愈其疾也觀此二事可證別錄治瘡
腫殺邪毒之驗也大抵醋治諸瘡腫積塊心腹疼痛
痰水血病殺魚肉菜及諸蟲毒氣無非取其酸收之
意而又有散瘀解毒之功李廷飛云醋能少飲辟邪
勝酒王戩自幼喜食醋
年踰八十猶能臨陣也

附方

新舊二十

身體卒腫

醋和蚯蚓尿
傳之千金

白虎風毒

以三年釀

醋五升煎五沸切葱白三升煎一沸流出
以布染乘熱裹之痛止乃已外臺秘要霍亂吐利

鹽醋煎服甚良如宜方霍亂煩脹未得吐下以好苦酒足上轉

筋

以故綿浸醋中甑蒸熱裹之出汗不滴瘦却腰脚
冷即易勿停取瘥止外臺并耳聾者

米醋浸荆三稜夏四日冬六日為末
醋湯調下二錢即瘥
經驗後方
腋下胡臭三年
醋

和石炭傳
外臺癰瘍風病
之
酢和硫黃末傳
癰疽不潰
苦酒

尿如小豆大傳瘡頭
上即穿也
肘后方
舌腫不消
以酢和釜底墨厚傳

須臾即消
千金方
木舌腫強
漱
普濟方
牙齒疼痛
大醋煮

皮一升取半升含
漱即瘥
肘后方
鼻中出血
酢和胡粉半棗許服

乾即易之
千金方
塞耳治聾
以醇酢微火炙附子
面黧雀卵

苦酒漬米常常
拭之
肘后方
中砒石毒
飲醖醋得吐即愈
服硫發

癰
酢和豉研膏傳之
食雞子毒
飲醋少許即
渾身虱

出

方見石部鹽石

毒殺傷螫

清醋急飲一二盞令毒氣不散然後用藥

濟急方蠍刺

螫人

之

酢磨附子汁傳醫學心鏡

蜈蚣咬毒

之

醋磨生鐵傳

蜘蛛咬

毒

同上

蠅虱尿瘡

之

醋和胡粉傳千金方

諸蟲入耳

凡百節

入耳以苦酒注入起即出

湯火傷灼

即以醋泥塗之甚妙

亦無痕也

狼烟入口

之

以醋少許飲秘方

足上凍瘡

以醋洗足研藕傳之

胎死不下

月未足者大豆煮醋便分解未下再服

子母秘錄

胞衣不下

腹滿則殺人以水入醋許喚面神効

聖惠方

鬼擊卒死

吹醋少許入鼻中

千金乳

癰堅硬

以罐成醋燒熱石投之二次溫漬之冷則更燒石投之不過三次即愈

千金疔腫

初起

用麪圓住以針亂刺瘡上銅器煎醋沸傾入圍中令容一盞冷即易三度根即出也

酒

別錄中品

校正

拾遺糟筍酒社酒今併為一

釋名

時珍曰按許氏說文云酒就也所以就人之善惡也一說酒字篆文象酒在鹵中之狀飲饌標

題云酒之清者曰釀濁者曰盎厚曰醇薄曰醕重釀曰酎一宿曰醴美曰醕未榨曰醅紅曰醞綠曰醕白

醞曰

集解

恭曰酒有黍秫粳糯粟麴蜜葡萄酒等色凡作酒醴須麴而葡萄酒等酒獨不用麴諸酒醕醢不

同惟米酒入藥用藏器曰凡好酒欲熟時皆能候風潮而轉此是合陰陽也說曰酒有紫酒薑酒桑椹酒葱豉酒葡萄酒蜜酒及地黃牛膝虎骨牛旁大豆枸杞通草仙靈脾狗肉等皆可和釀作酒俱各有方宗

夷曰戰國策云帝女儀狄造酒進之於禹說文云少
康造酒即杜康也然本草已著酒名素問亦有酒漿
則酒自黃帝始非儀狄矣古方用酒有醇酒春酒白
酒清酒美酒糟下酒醪酒秣黍酒葡萄酒地黃酒蜜
酒有灰酒新熟無灰酒社壇餘酢酒今人所用有糯
酒煮酒小豆麴酒香藥麴酒鹿頭酒羔兒等酒江浙
湖南北又以糯粉入衆藥和為麴曰餅子酒至於官
務中亦有四夷酒中國不可取以為法今醫家所用
正宜斟酌但飲酒惟取其味不顧入藥何如爾然久
之未見不作疾者蓋此物損益兼行可不慎歟漢賜
丞相上尊酒糯為上稷為中粟為下今入藥佐使專
用糯米以清水白麴麴所造為正古人造麴未見入
諸藥所以功力和厚皆勝餘酒今人又以藥造者蓋
止是醴非酒也書云若作酒醴爾惟麴藥酒則用麴
醴則用蘖氣味甚相遼治療豈不殊也顏曰入藥用
東陽酒最佳其酒自古擅名事林廣記所載釀法其

麴亦用藥今則絕無惟用麴麴蓼汁拌造假其辛辣
之力蓼亦解毒清香遠達色復金黃飲之至醉不頭
痛不口乾不作瀉其水秤之重於他水隣邑所造俱
不然皆水土之美也處州金盆露水和薑汁造麴以
浮飯造釀醇美可尚而色香劣於東陽以其水不及
也江西麻姑酒以泉得名而麴有羣藥金陵瓶酒麴
米無嫌而水有醎且用灰味太甘多能聚痰山東秋
露白色純味烈蘇州小瓶酒麴有蔥及紅豆川烏之
類飲之頭痛口渴淮南綠豆酒麴有綠豆能解毒然
亦有灰不美時珍曰東陽酒即金華酒古蘭陵也李
太白詩所謂蘭陵美酒鬱金香即此常飲入藥俱良
山西襄陵酒薊州薏苡酒皆清烈但麴中亦有藥物
黃酒有灰秦蜀有呷嘛酒用稻麥黍稷藥麴小罌封
釀而成以筒吸飲穀氣既雜酒不清美並不可入藥

米酒氣味苦甘辛大熱有毒

說曰久飲傷神損壽軟筋
骨動氣痛醉臥當風則成

癰風醉浴冷水成痛痺服丹砂人飲之頭痛吐熱士
良曰凡服丹砂北庭石亭脂鍾乳諸石生薑並不可
長用酒下能引石藥氣入四肢滯血化為癰疽藏器
曰凡酒忌諸甜物酒漿照人無影不可飲祭酒自耗
不可飲酒合乳飲令人氣結同牛肉食令人生蟲酒
後卧黍穰食猪肉患大風時珍曰酒後食芥及辣物
緩人筋骨酒後飲茶傷腎臟腰脚重墜膀胱冷痛兼
患疾飲水腫消渴攣痛之疾一切毒藥因酒得者難
治又酒得鹹而解者水制火也酒性上而鹹潤下
也又畏枳椇葛花赤豆花綠豆粉者寒勝熱也

主

治行藥勢殺百邪惡毒氣

別錄

通血脉厚腸胃潤皮膚

散濕氣消憂發怒宣言暢意

藏器

養脾氣扶肝除風下

氣孟詵解馬肉桐油毒丹石發動諸病熱飲之甚良

時珍

糟底酒

三年臘糟
下取之

開胃下食暖水臟溫腸胃消宿食

禦風寒殺一切蔬菜毒

日華

止嘔噦摩風瘙腰膝疼痛

孫思

邈

老酒

臘月釀造者可
經數十年不壞

和血養氣暖胃辟寒發痰動火

時珍

春酒

清明釀造者
亦可經久

常服令人肥白

孟詵

蠅虵尿瘡飲之

至醉須臾蟲出如米也

李絳兵部手集

社壇餘胙酒

拾遺

治小兒語遲納口中佳又以噴屋四

角辟蚊子

藏器

飲之治聾

時珍曰按海錄碎事云俗傳社酒治聾故李濤有社翁今

日沒心情為寄治

聾酒一瓶之句

糟筍節中酒氣味鹹平無毒主治飲之主噦氣嘔逆

或加小兒乳及牛乳同服又摩瘰癧風

藏器

東陽酒氣味甘辛無毒主治用制諸藥良

發明

弘景曰大寒凝海惟酒不冰明其性熱獨冠羣物藥家多用以行其勢人飲多則體弊神昏是

其有毒故也博物志云王肅張衡馬均三人冒霧晨行一人飲酒一人飽食一人空腹空腹者死飽食者病飲酒者健此酒勢辟惡勝於他食之效也好古曰酒能引諸經不止與附子相同味之辛者能散苦者

能下甘者能居中而緩用為導引可以通行一身之表
至極高分味淡者則利小便而速下也古人惟以麥
造麴釀黍已為辛熱有毒今之醞者加以烏頭巴豆
砒霜薑桂石灰竈灰之類大毒大熱之藥以增其氣
味豈不傷沖和損精神涸榮衛竭天癸而夭夫人壽
耶震亨曰本草止言酒熱而有毒不言其濕中發熱
近於相火醉後振寒戰慄可見矣又性喜升氣必隨
之痰鬱于上溺澀于下恣飲寒涼其熱內鬱肺氣大
傷其始也病淺或嘔吐或自汗或瘡疥或鼻衄或泄
利或心脾痛尚可散而去之其久也病深或消渴或
內疽或肺痿或鼓脹或失明或哮喘或勞瘵或癰癤
或痔漏為難名之病非具眼未易處也夫醇酒性大
熱飲者適口不自覺也理宜冷飲有三蓋為過于肺
入於胃然後微溫肺得溫中之意可以補氣次得寒
中之溫可以養胃冷酒行遲傳化以新人不得恣飲
也今則不然圖取快喉舌焉爾顏曰人知戒早飲而

不知夜飲更甚既醉既飽睡而就枕熱擁傷心傷目
夜氣收斂酒以發之亂其清明勞其脾胃停濕生瘡
動火助慾因而致病者多矣朱子云以醉為節可也
機曰按扁鵲云過飲腐腸爛胃潰髓蒸筋傷神損壽
昔有客訪周顛出美酒二石顛飲一石二斗客飲八
斗次明顛無所苦客已脇穿而死矣豈非犯扁鵲之
戒乎時珍曰酒天之美祿也麴麴之酒少飲則和血
行氣壯神禦寒消愁遣興痛飲則傷神耗血損胃亡
精生痰動火邵堯夫詩云美酒飲教微醉後此得飲
酒之妙所謂醉中趣壺中天者也若夫沈湎無度醉
以為常者輕則致疾敗行甚則喪邦亡家而隕軀命
其害可勝言哉此大禹所以疏儀狄周公所以著酒
誥為世
範戒也

附方

舊十一
新六

驚怖卒死

溫酒灌
之即醒

鬼擊諸病

卒然着人
如刀刺狀

胸脇腹內切痛不可抑按或吐血鼻血下馬氣入瘡
血一名鬼排以醇酒吹兩鼻內良肘后

或馬汗馬毛入瘡皆致腫痛煩熱入腹則虎傷人瘡
殺人多飲醇酒至醉即愈妙肘后方

但飲酒常令大醉蛇咬成瘡暖酒淋洗瘡上日
當吐毛出梅師蛇咬成瘡三次廣利方蜘蛛

瘡毒同上毒蜂螫人方同咽傷聲破酒一合酥一匕
方

服日二次
十便良方三十年耳聾酒三升漬牡荊子一升七
日去滓任性飲之千金

方天行餘毒手足腫痛欲斷作坑深三尺燒熱灌酒
着屐居坑上以衣壅之勿令泄氣類

要下部痔患掘地作小坑燒赤以酒沃之納吳茱
萸在內坐之不過三度良外臺產

後血悶清酒一升和生地身面疣目盜酸酒醇洗而
黃汁煎服梅師

呪之曰疣疣不

知羞酸酒醉洗你頭急急如斷酒不飲酒七升殊砂半兩瓶浸緊

封安豬圈內任豬搖動七日取出頓飲又方正大月一日酒五升淋確頭杵下取飲之千金方

夫脚冷不隨不能行者用淳酒三斗水三斗入茺中灰火溫之漬脚至膝常着灰火勿令冷三日

止千海水傷裂凡人為海水醢物所傷及風吹裂痛不可忍用蜜半斤水酒三十斤

防風當歸羌活荆芥各二兩為末煎湯浴之一夕即愈使珮珠錄

附諸酒方時珍曰本草及諸書並有治病釀酒諸方今輯其簡要者以備參考藥品多者不能

錄盡

愈瘡酒治諸瘡疾頻頻溫飲之四月八日水一石麴一斤為末俱投水中待酢煎之一石取七斗

待冷入麴四斤一宿上生白沫起炊林一
石冷投三日酒成 賈思勰齊民要術

屠蘇酒

陳延之小品方云此華佗方也元旦飲之辟
疫癘一切不正之氣造法用赤木桂心七錢

五分防風一兩菰莢五錢蜀椒桔梗大黃五錢七分
烏頭二錢五分赤小豆十四枚以三角絳囊盛之除
夜懸井底元旦取出置酒中煎數沸舉家東向從少
至長次第飲之藥滓還投井中歲飲此水一世無病
時珍曰蘇魁鬼名此藥屠
割鬼癘故名或云草庵名也

逡巡酒

補虛益氣去一切風痺濕氣久服益壽耐老
好顏色造法三月三日收桃花三兩三錢五

月五日收馬蘭花五兩五錢六月六日收脂麻花六
兩六錢九月九日收黃甘菊花九兩九錢陰乾十二
月八日取臘水三斗待春分取桃仁四十九枚好者
去皮尖白麴十斤正同前花和作麴紙包四十九日

用時白水一瓶麴一丸麴一塊
封良久成矣如淡再加一丸

五加皮酒

去一切風濕痿痺壯筋骨填精髓用五加皮洗刮去骨煎汁和麴米釀成飲之或切

碎袋盛浸酒煮飲或加
當歸牛膝地榆諸藥

白楊皮酒

治風毒脚氣腹中痰癖如石
以白楊皮切片浸酒起飲

女貞皮酒

治風虛補腰膝女貞
皮切片浸酒煮飲之

仙靈脾酒

治偏風不遂強筋堅骨仙靈脾一斤袋盛
浸無灰酒二斗密封三日飲之 聖惠方

薏苡仁酒

去風濕強筋骨健脾胃用絕好薏苡
仁粉同麴米釀酒或袋盛煮酒飲

天門冬酒

潤五臟和血脉久服除五勞七傷癰瘡惡
疾常令酒氣相接勿令大醉忌生冷十日

當出風疹毒氣三十日乃已五十日不知風吹也冬月用天門冬去心煮汁同麴米釀成初熟微酸久乃味佳

千金方

百靈藤酒

治諸風百靈藤十斤水一石煎汁三斗入糯米三斗神麴九斤如常釀成三五日更

炊糯飯投之即熟澄清日飲以汗出為效聖惠方

白石英酒

治風濕周痺肢節濕痛及腎虛耳聾用白石英磁石煨醋淬七次各五兩絹袋盛浸

酒中五六日溫飲酒少更添之聖濟總錄

地黃酒

補虛弱壯筋骨通血脈治腹痛變白髮用生地黃絞汁同麴米封密器中五七日啓之

中有綠汁真精英也宜先飲之乃濾汁藏貯加牛膝汁效更速亦有加羣藥者

牛膝酒

壯筋骨治痿痺補虛損除久瘡用牛膝煎汁和麴米釀酒或切碎袋盛浸酒煮飲

當歸酒

和血脈堅筋骨止諸痛調經水當歸煎汁或釀或浸並如上法

菖蒲酒

治三十六風一十二痺通血脈治骨疼久服耳目聰明石菖蒲煎汁或釀或浸並如上法

枸杞酒

補虛弱益精氣去冷風壯陽道止目淚健腰脚用甘州枸杞子煮爛搗汁和麴米釀酒或

以子同生地黃
袋盛浸酒煮飲

人參酒

補中益氣通治諸虛用人參末同麴米釀酒或袋盛浸酒煮飲

薯蕷酒

治諸風眩運益精髓壯脾胃用薯蕷粉同麴米釀酒或同山茱萸五味子人參諸藥浸酒

煮飲

茯苓酒

治頭風虛眩暖腰膝主五勞七傷用茯苓粉同麴米釀酒飲之

菊花酒

治頭風明耳目去痿痺消百病用甘菊花煎汁同麴米釀酒或加地黃當歸枸杞諸藥亦

佳

黃精酒

壯筋骨益精髓變白髮治百病用黃精蒼朮各四斤枸杞根柏葉各五斤天門冬三斤煮

汁一石同麴十斤糯
米一石如常釀酒飲

桑椹酒

補五臟明耳目治水腫不下則滿下之則虛大腹則十無一活用桑椹搗汁煎過同麴米

如常釀
酒飲

朮酒

治一切風濕筋骨諸病駐顏色耐寒暑用朮三十斤去皮搗以東流水三石漬三十日取汁露

一夜浸麴
米釀成飲

蜜酒

孫真人曰治風疹風癰用沙蜜一斤糯飯一升麴麴五兩熟水五升同入瓶內封七日成酒尋

以蜜入酒
代之亦良

蓼酒

久服聰明耳目脾胃健壯
以蓼煎汁和麴米釀酒飲

薑酒

說曰治偏風中惡症忤心腹冷痛以薑浸酒煖
服一椀即止 一法用薑汁和麴造酒如常服

佳之

葱豉酒

說曰解煩熱補虛勞治傷寒頭痛寒熱及冷
痛腸痛解肌發汗並以葱根豆豉浸酒煮飲

茴香酒

治卒腎氣痛偏墜牽引及心腹
痛茴香浸酒煮飲之舶茴尤妙

縮砂酒

消食和中下氣止心腹痛
砂仁炒研袋盛浸酒煮飲

莎根酒

治心中客熱膀胱下氣鬱常憂不樂以莎
根一斤切熬香袋盛浸酒日夜服之當令酒

氣相

續

茵陳酒

治風疾筋骨掣急用茵陳蒿炙黃一
斤拌米一石麴三斤如常釀酒飲

青蒿酒

治虛勞久瘡青蒿搗
汁煎過如常釀酒飲

百部酒

治一切久近咳嗽百部根
切炒袋盛浸酒頻頻飲之

海藻酒

治瘰癧氣海藻一斤洗
淨浸酒日夜細飲

黃藥酒

治諸瘰癧氣萬州黃藥
切片袋盛浸酒煮飲

仙茆酒

治精氣虛寒陽痿膝弱腰痛痺緩諸虛之病用仙茆九蒸九晒浸酒飲

通草酒

續五臟氣通十二經脉利三焦通草子煎汁同麴米釀酒飲

南藤酒

治風虛逐冷氣除痺痛強腰脚石南藤煎汁同麴米釀酒飲

松液酒

治一切風痺脚氣於大松下掘坑置甕承取其津液一斤釀糯米五斗取酒飲之

松節酒

治冷風虛弱筋骨痠痛脚氣緩痺松節煮汁同麴米釀酒飲松葉煎汁亦可

柏葉酒

治風痺歷節作痛東向側柏葉煮汁同麴米釀酒飲

椒柏酒

元旦飲之辟一切疫癘不正之氣除夕以椒三七粒東向側柏葉七枝浸酒一瓶飲

竹葉酒

治諸風熱病清心暢意淡竹葉煎汁如常釀酒飲

槐枝酒

治大麻痺痺槐枝
煮汁如常釀酒飲

枳茹酒

治中風身直口僻眼急
用枳殼刮茹浸酒飲之

牛蒡酒

治諸風毒利腰脚用牛
蒡根切片浸酒飲之

巨勝酒

治風虛痺弱腰膝疼痛用巨勝子二升炒
香薏苡仁二升生地黃半斤袋盛浸酒飲

麻仁酒

治骨髓風毒痛不能動者取大
麻子中仁炒香袋盛浸酒飲之

桃皮酒

治水腫利小便桃皮
煎汁同秫米釀酒飲

紅麴酒

治腹中及產後瘀
血紅麴浸酒煮飲

神麴酒

治閃肭腰痛神麴
燒赤淬酒飲之

柘根酒

治耳聾方
具柘根下

磁石酒

治腎虛耳聾用磁石木通
菖蒲等分袋盛酒浸日飲

蠶沙酒

治風緩頑痺諸節不隨腹內宿
痛用原蠶沙炒黃袋盛浸酒飲

花蛇酒

治諸風頑痺癱緩攣急疼痛惡瘡疥癩用白
花蛇肉一條袋盛同麴置於缸底糯米飯蒸之

三七日取酒飲又有
羣藥煮酒方甚多

烏蛇酒

治療釀
法同上

蚺蛇酒

治諸風痛痺殺蟲辟瘴治癩風疥癬惡瘡用
蚺蛇肉一斤羌活一兩袋盛同麴置於缸底

糯米飯蒸之釀成酒飲亦可浸酒詳見本條
西蛇酒蟬上安蛇數寸其麴則采山草藥不能無
顏曰廣

毒也

蝮蛇酒

治惡瘡諸瘰惡風頑痺癰疾取活蝮蛇一條同醇酒一斗封埋馬溺處周年取出蛇已消

化每服數杯當身體習習而愈也

紫酒

治卒風口偏不語及角弓反張煩亂欲死及鼓脹不消以雞屎白一升炒焦投酒中待紫色去

滓頻飲

豆淋酒

破血去風治男子中風口喎陰毒腰痛及小便尿血婦人產後一切中風諸病用黑豆炒

焦以酒淋之溫飲

霹靂酒

治疝氣偏墜婦人崩中下血胎產不下以鐵器燒赤浸酒飲之

龜肉酒

治十年咳嗽
法詳見龜條

虎骨酒

治臂脛疼痛歷節風腎虛膀胱寒痛虎脛骨一具炙黃槌碎同麴米如常釀酒飲亦可浸

酒詳見

虎條

麋骨酒

治陰虛腎弱久服令人肥白麋骨煮汁同麴米如常釀酒飲之

鹿頭酒

治虛勞不足消渴夜夢鬼物補益精氣鹿頭煮爛搗泥連汁和麴米釀酒飲少入葱椒

鹿茸酒

治陽虛痿弱小便頻數勞損諸虛用鹿茸山藥浸酒服詳見鹿茸下

戊戌酒

旣曰大補元陽頴曰其性大熱陰虛無冷病人不宜飲之用黃狗肉一隻煮糜連汁和麴

米釀酒

飲之

羊羔酒

大補元氣健脾胃益腰腎宜和化成殿真方
用米一石如常浸漿嫩肥羊肉七斤麴十四

兩杏仁一斤同煮爛連汁拌末入木香一兩同釀勿
犯水十日熟極甘滑一法羊肉五斤蒸爛酒浸一

宿入消梨七個同搗取
汁和麴米釀酒飲之

膈臍酒

助陽氣益精髓破癥結冷氣大補益人
膈臍酒浸搗爛同麴米如常釀酒飲

燒酒

目網

釋名火酒

目網

阿刺吉酒

飲膳
正要

集解

時珍曰燒酒非古法也自元時始創其法用濃
酒和糟入甑蒸令氣上用器承取滴露凡酸壞

之酒皆可蒸燒近時惟以糯米或粳米或黍或秫或
大麥蒸熟和麴釀甕中七日以甑蒸取其清如水味

極濃烈蓋酒露也。顏曰：暹羅酒以燒酒復燒二次入珍寶異香，其罈每個以檀香十數斤燒烟薰，令如漆。然後入酒蠟封埋土中，二三年絕去燒氣，取出用之。會有人携至，舶能飲三四盃，即醉，價直數倍。也有積病飲一二盃，即愈。且殺蠱，予親見二人飲此，打下活蟲，長二寸許，謂之魚蠱云。

氣味辛甘大熱有大毒

時珍曰：過飲敗胃傷膽，喪心損壽甚，則黑腸腐胃而死。與

薑蒜同食，令人生痔。鹽冷水、綠豆粉解其毒。

主治消冷積寒氣燥濕痰開

鬱結止水泄治霍亂瘧疾噎膈心腹冷痛陰毒欲死

殺蟲辟瘴利小便堅大便洗赤目腫痛有效

時珍

發明

時珍曰：燒酒純陽毒物也，面有細花者為真，與火同性，得火即然，同乎焰消。北人四時飲之，南

人止暑月飲之其味辛甘升揚發散其氣燥熱勝濕祛寒故能開腠鬱而消沈積通腸噎而散痰飲治泄瘡而止冷痛也辛先入肺和水飲之則抑使下行通調水道而小便長白熱能燥金耗血大腸受刑故令大便燥結與薑蒜同飲即生痔也若夫暑月飲之汗出而腸快身涼赤目洗之淚出而腫消赤散此乃從治之方焉過飲不節殺人頃刻近之市沽又加以砒石草烏辣灰香藥助而引之是假盜以方矣善攝生者宜戒之按劉克用病機賦云有人病赤目以燒酒入鹽飲之而痛止腫消蓋燒酒性走引鹽通行經絡使鬱結開而邪熱散此亦反治劫劑也

附方 新冷氣心痛

燒酒入飛鹽飲即止

陰毒腹痛

燒酒溫飲嘔

逆不止

真火酒一盃新汲井水一盃和服甚妙

寒濕泄瀉

小便清者以頭燒酒

飲之即止

耳中有核

如粟核大痛不可動者以火酒滴入仰之半時即可搐出 李樓奇方

風蟲牙痛

燒酒浸花椒頻頻漱之

寒痰咳嗽

燒酒四兩猪脂蜜香油茶末各四兩

同浸酒內煮成一處每日挑食以茶下之取效

葡萄酒

目網

集解

說曰葡萄酒可釀酒藤汁亦佳時珍曰葡萄酒有二樣釀成者味佳有如燒酒法者有大毒釀者

取汁同麴如常釀糯米飯法無汁用乾葡萄末亦可魏文帝所謂葡萄釀酒甘於麴米醉而易醒者也燒者取葡萄數十斤同大麴釀酢取入甑蒸之以器承其滴露紅色可愛古者西域造之唐時破高昌始得其法按梁四公記云高昌獻蒲桃乾凍酒杰公曰蒲桃皮薄者味美皮厚者味苦八風谷凍成之酒終年

不壞葉子奇草木子云元朝於冀寧等路造蒲桃酒
八月至太行山辨其真偽真者下水即流偽者得水
即冰凍矣久藏者中有一塊雖極寒其餘皆冰獨此
不冰乃酒之精液也飲之令人透脆而死酒至二三
年亦有大毒飲膳正要云酒有數等出哈喇火者最
烈西番者次之平陽太原者又次之或云葡萄久貯
亦自成酒芳甘酷烈此真葡萄酒也

釀酒氣味甘辛熱微毒時珍曰有熱疾齒疾
瘡疹人不可飲之

主治療腰腎駐顏色耐寒時珍

燒酒氣味辛甘大熱有大毒時珍曰大熱大毒甚於
燒酒北人習而不覺南

人切不可
輕生飲之

主治益氣調中耐饑強志

正

消痰破癖

汪穎

糟

目網

釋名

粕網目

集解

時珍曰糯秣黍麥皆可蒸釀酒醋熬煎錫飴化

成糟粕酒糟須用臘月及清明重陽造者漚乾入少鹽收之藏物不敗揉物能軟若榨乾者無味矣醋糟用三伏造者良

酒糟氣味甘辛無毒主治溫中消食除冷氣殺腥去

草菜毒潤皮膚調臟腑

蘇恭

暑撲損瘀血浸水洗凍瘡

搗傳蛇蛟蜂叮毒

日華

發明

時珍曰酒糟有麴蘖之性能活血行經止痛故治傷損有功按許叔微本事方云治跌折傷筋

骨痛不可忍者用生地黃一斤藏瓜薑糟一斤生薑四兩都炒熱布裹傷處冷即易之曾有人傷折醫令捕一生龜將殼用之夜夢龜傳此方用之而愈也又類編所載只用藏瓜薑糟一物入赤小豆末和勻罨於斷傷處以杉片或白桐片夾之云不過三日即痊可也

附方

新

手足

皸裂

紅糟

臘猪

脂薑

汁鹽

等分

研爛

炒

熱擦

之製

內甚

痛少

頃即

合再

擦

敦次

即安

鶴膝

風病

酒醅

糟四

兩肥

皂一

個去

子芒

消一

兩五

味子

一兩

砂糖

一兩

塗

暴發

薑汁

半甌

研勻

日日

塗

暴發

紅腫

痛不

可忍

者臘

糟

之

談莖

翁試

之

談莖

翁試

之

談莖

翁試

之

方驗

杖瘡

青腫

用濕

綿紙

鋪傷

處以

燒過

酒糟

搗爛

厚

鋪紙

上良

久痛

處如

蟻行

熱氣

上升

即

散
簡
便方

大麥醋糟氣味酸微寒無毒主治氣滯風壅手背脚

膝痛炒熱布裏慰之三兩換當愈

孟詵

乾錫糟氣味甘溫無毒主治反胃吐食暖脾胃化飲

食益氣緩中

時珍

發明

時珍曰錫以麋成暖而消導故其糟能化滯緩中養脾止吐也按繼洪澹寮方云甘露湯治反

胃嘔吐不止服此利胸膈養脾胃進飲食用乾錫糟六兩生薑四兩二味同搗作餅或焙或晒入炙甘草末二兩鹽少許點湯服之常熟一富人病反胃往京口甘露寺設水陸泊舟岸下夢一僧持湯一盃與之

飲罷便覺胸快次早入寺供湯者乃夢中所見僧常以此湯侍賓故易名曰甘露湯予在臨汀療一小吏旋愈切勿忽之

附方

一新

脾胃虛弱

平胃散等分末一斤入乾糖糟炒二斤半生薑一斤半紅棗三百個

煮取肉焙乾通為末逐日煎湯服摘玄

米

粃食物

釋名米皮糠

時珍曰批粃薄之義也

集解

穎曰米批即精米上細糠也昔陳平食糠粃而肥也時珍曰糠諸粟穀之殼也其近米之細者

為米批味極甜儉年人多以豆屑或草木花實可食者和劑蒸煮以救饑云

氣味甘平無毒主治通腸開胃下氣磨積塊作糗食

不饑克滑膚體可以願養

汪頴

春杵頭細糠

別錄中品

校正

禹錫曰自草部移入此

集解

時珍曰凡穀皆有糠此當用粳稻粟秫之糠也北方多用杵南方多用碓入藥並同丹家言糠

火鍊物力倍於常也

氣味辛甘熱

震亨曰穀殼屬金糠之性則熱也

主治卒噎刮取含之

別錄

亦可

燒研水服方寸匕令婦人易產

時珍出子母

秘錄

發明


弘景曰治噎用此亦是吞搗義
爾天下事理多相影響如此

附方

舊一腸氣噎塞
飲食不下用碓甯上細糠蜜丸
新一彈子大時時含嚥津液
聖惠

咽喉妨礙

如有物吞吐不利并頭糠人參各一錢石
蓮肉炒一錢水煎服日三次
聖濟總錄



本草綱目卷二十五